

نعم انا احبه



تم تحويل هذه الرواية الى PDF

بواسطة موقع ايحي فور تريندس

<https://egy4trends.com>

نعم انا احبه

الحلقه الاولى © قصه نعم احبه ♡ ابطال القصه

هما راندا وادم دخلت راندا اوضه فخمه جدا في

فيلا فخمه اوي وباين علي شكلها وفرشها ان

صاحبها مليونير جدا كانت قاعده في اوضه المكتب

في انتظار المقابلة اللي هتعملها مع المهندس ادم  
علشان وظيفه سكرتيره زي ما اختها هدير فهمتها  
هدير كانت المفروض تشتغل هيا بس اتصاحت  
مع حبيبها وسافرت تتجوزه وقالت لاختها رانده انها  
تيجي مكانها لانها فرصه ماتتعوّضش وفهمتها كمان  
ان صاحب الشغل موافق وهيا اتفقت معاه واديتها  
٥ الاف جنيه كبدايه ووعدها براتب عالي وراحت راندا  
بعد ما استقالت من شغلها وقالت دي فرصه العمر  
فاقت راندا من سرحانها علي فتح باب المكتب دخل  
ادم (كان طويل جدا وجسمه رياضي وعمره في اول  
الثلاثينات ووسيم جدا) ادم مصري بالاسم فقط  
لان جده هاجر بره مصر وابو ادم لسه صغير واتجوز  
اجنبيه وخلف منها ادم وعاشوا عمرهم برا وعملو  
امبراطوريه كبيره وورثها ادم لوحده كان مكشر  
وبصلها باستغراب وكانت في عنيه نظره استفسار  
وكلمها بنبره هاديه ادم: بغض النظر انتي تكوني مين  
بس انتي مش الانسه هدير فا انتي بتعملي ايه هنا؟  
رندا: انا مش فاهمه قصد حضرتك ايه اتصلت هدير  
بحضرتك وقالتك اني هشتغل مكانها في الوظيفه

واني .... سألها بصوت عالي: انا مستلتمتش منها اي  
رسايل بالمعني ده هو انتي بتقولي انها مش جايه؟  
راندا: ده اللي انا قلته .. حسست ان قلبها هيقف من  
كثر التوتر اختها كدبت عليها بس ليه معرفتش اجابه  
علي سؤالها راندا: انا اسفه اكيد حصلت حاجه غلط  
انا كنت فاكراه ان اختي اخدت موافقه من حضرتك  
ان انا اجي مكانها سألها ادم وهو رافع واحد من  
حواجبه: اختك؟ مفيش شبه بينكم نهائي ردت راندا:  
هدير اختي من زوجه ابويا مش شقيقه امها  
اتجوزت ابويا وبعد كده ابويا اتبناها بصفه رسميه  
وسكتت شويه علشان تطلع ريقها وكملت : انا زي  
حضرتك مندهشه من اللي بيحصل لانها فهمتني  
انها اتفقت مع حضرتك علي كل حاجه ادم : مفيش  
اي اتصال بيني وبين اختك من اكثر من اسبوعين  
وكان فاضلها يومين كمان وابدأ اجراءاتي ضدها لو  
مظهرتش راندا: قصد حضرتك علشان السلفه الي  
اخذتها من حساب الراتب؟ هيا اديتني المبلغ ده  
وهرجعه لحضرتك لو انا ما انفعش للوظيفه هنا جه  
دور ادم علشان يفحص راندا ويقىمها بص لوشها

وفحص جسمها كله بعنيه من فوق لتحت راندا  
فعلا كانت جميله شعرها اسود وطويل وبشرتها  
بيضه و كانت لابسه بدله عمليه حاولت راندا انها  
تفضل هاديه تحت نظراته بس ده كان صعب جدا  
سألها بنبره غريبه: هو انتي علي علم بكافه شروط  
العقد؟ ردت: طبعا وهيا معندهاش ادني فكره عن  
ايه هيا الشروط ومعندهاش استعداد انها تخسر  
الوظيفه وهيا مستعده تحارب علشان تفوز بيها رد  
عليها بغضب: ليه اختك قررت انها تفسخ اتفاقنا  
وتبعثك انتي؟ ردت: علشان هتتجوز هو:تتجوز؟؟  
مين بقي؟؟ راندا: واحد تعرفه من زمان بس  
مكانتش متوقعه انه يعرض عليها الجواز ادم: جواز  
حب يعني؟ حسرت راندا ان وشها بدأ يحمر من  
الطريقه اللي هو بيكلمها بيها وردت عليه هو ده  
حاجه غريبه؟ الناس في اي مكان ممكن يقعو في  
الحب ويتجوزو ادم: وغالبيتهم كمان بيهربوا منه  
بسرعه ويبطلقو راندا(ردت بغیظ) دي وجهه نظر  
ساخره واضح انك محبتش قبل كده ادم : ملاحظه  
حلوه بس مش دبلوماسيه علي اي حال مش انتي

اللي هتكلم معاكي في معتقداتي اختك وقعت  
معايا عقد وده يديني حق المطالبه بيه لراندا: هيا  
عملت اللي تقدر عليه ووفرتلك بديل وانا مستعده  
اعمل كل اللي يطلب مني اديني الفرصه اثبتلك  
جدارتي.. راندا كانت متغاضه قوي من الاسلوب اللي  
هو بيتكلم بيه بس قررت انها تتحداه ومتستسلمش  
بسهوله كان ادم واقف قدام مكتبه وفحصها تاني  
وهيا بدأت تفقد الامل لحد ما اخيرا نطق ادم: لازم  
ادرس الموضوع اتفضلي في ضيافتي وياريت تقبلي  
دعوتي علي الغدا راندا: هتكون وصلت لقرارك علي  
الغدا؟؟ ادم: ممكن في حاجات كتيره لازم اخدها في  
الاعتبار اداها ظهره ومشى ناحيه الباب وقالها  
هيبعتها حد من الخدم ياخدوها اوضتها المؤقته  
وهو خارج فضلت تتفحصه كان جسمه رشيق وكان  
وسيم وكل حاجه فيه بتنطق رجوله وشبهته بالصقر  
جالها الخادم واخدها لاوضتها وكانت فخمه جدا  
واستغربت لما السكرتيه دي اوضتها امال اوضته  
هو شكلها ايه (ايه اللي انا بفكر فيه ده انا مالي  
ومال اوضته شكلها ايه) كان في الاوضه ملحق

للملابس وفيها حمام خاص بدأت تقلق هيا ايه  
طبيعه الوظيفه بالظبط وايه قصد اختها في  
التدبيسه دي وايه الي مستخبلها هيا واختها عمرهم  
ما كانوا اصحاب حتي مرات ابوها اللي دخلت حياتها  
وهيا عندها ١٠ سنين محبتهاش وكانت كل حاجه  
هدير تعملها غلط هيا اللي تتحملها لان هدير ما  
بتغلطش ابدأ من وجهه نظر امها هدير كانت بتسافر  
لكل حته براحتها وبتعمل كل اللي نفسها فيه وفي  
زيارتها الاخيره عرضت علي اختها وظيفه العمرزي  
ما كانت بتسميها بس هيا يا تري وظيفه العمر ولا  
هتبقى تدبيسه؟؟؟؟ ده اللي هنعرفه بعد كده ادم  
عايز ايه من راندا؟! يتبع.....- Wattpad © 2025

———— Part Break ————

الفصل الثاني ♡ نعم انا احبه ♡ راندا وهيا في  
غرفتها سرحانه في كل الامور اللي فاتت نامت  
وراحت في النوم وصحيت بعد ساعتين كان قدامها  
اقل من نص ساعه تجهز فيها للغدا ولبست فستان  
فيروزي جميل يبرز جمالها وحطت مكياج خفيف  
ونزلت السلم ومكنتش عارفه تروح فين لحد ما  
ظهرت لها خادمه ووريتها مكان السفره وبعد ما  
دخلت بثواني دخل ادم وهو لابس اسود وقالها ادم:  
\_منضبطه في مواعيدك شيء كويس لانه نادر في  
الستات ردت بكل رقه:في ظروف دي لازم اكون

دقيقه في مواعيدي لمحت نظره ساحره في عنيه  
وسألها تشربي حاجه وبعد ما كانت هترفض حس  
انها محتاجه لاي حاجه ترطبها بتراقبه وهو بيحب  
المشروب وحسنت انه راجل طاغي الرجوله بينبض  
بجاذبيه صارخه وسالها ادم: انتي لسه مصره تحلي  
محل اختك؟ راندا: ده معناه انك بتعرض عليا  
الوظيفه؟ ادم: ده معناه اني بديكي فرصه تثبتني  
جدارتك للوظيفه زي ما اختك ثبتتها كشرت وسألت  
راندا: ايه المطلوب مني؟ ادم:مطلوب منك اجراء  
فحص طبي شامل علي ايد طبيبي الخاص لازم  
اتأكد من لياقتك استغربت هيا السكرتيره محتاجه  
لياقه في ايه بس طالما دي متطلبات الوظيفه  
مفيش مانع راندا: امتي اعمل الفحص ده؟ ادم:  
بكره الصبح ولو حالتك الصحيه كويسه هيكون  
العقد جاهز للتوقيع وغير قابل للفسخ المره دي  
راندا: اكيد اوعدك اني هلتزم بيه \_ اتفقنا.. ولسه  
هيتكلم سمع جرس معناه ان الاكل جاهز فطلب  
منها برقه انها تيجي معاه كانت الصفرة كبيره لدرجه  
انها تستوعب اكثر من عشرين شخص بس جاهزه



لاتنين بس وبدأ تقديم الاكل لاحظ ادم ان راندا بتاكل  
براحه جدا فسألها ادم: انت اكلك ضعيف لو مش  
عاجبك الاكل قولي؟ راندا: لا عاجبني بس الاصناف  
كتيره وانا مش باكل اكثر من صنفين او ثلاثه بالكثير  
ادم: علشان كده انتي نحيفه كده. مش هيضرك لو  
زيدتي شويه كام كيلو راندا: النحافه اناقه وبعدين  
بيخلي المرأه اكثر صحه رد: هنشوف .وبعد كده  
شاور للخادم أكرم انه يجهز القهوه في المكتب وكلمه  
بالانجليزي مش بالعربي وبعد كده سألها بنفس  
اللغه انها اتعلمت الانجليزي فين ردت بالانجليزي  
راندا: في مدرسه مسائيه لانه كان ممكن اسافر بره  
في شغل بس غيري فاز بالمنصب ادم: اختك قالت  
ان ابوها اتوفي هيا تقصد ابوكي انتي ولا ابوها  
الحقيقي راندا: الاتنين لان ابويا اتوفي من خمس  
سنين لما كانت هدير زي عندها ١٨ سنه ادم: انتم  
في نفس العمر؟(سأل في دهشه) كنت فاكرك اصغر  
منها فكرت هيا ياتري بيحكم عليها من تصرفاتها ولا  
من مظهرها ادم: ليه ما اتجوزتيش لحد دلوقتي؟  
راندا: لان في حاجات اهم من الرومانسيه ادم: ده رد

الرجال مش البنات (وكانت نظرتة متفهمه جدا)  
اعتقد انك اتجرحتي قبل كده راندا: ده مالوش علاقه  
بشغلي علي ما اعتقد فجاوبها ادم: ده مجرد رأي  
استمرت فتره صمت قاطعها ادم : علاقتك دي  
كانت خاصه جدا؟؟ احمر وشها قوي وبذلت جهد  
كبير علشان يطلع صوتها هادي وردت راندا: ده  
شيء ما يخصكش يا باشمهندس ادم: اي شيء  
يتعلق بحد من مستخدميني يخصني جدا ادم: افهم  
ان اجابتك بالاثبات؟ جاوبت بعد ما قدرتش تتحمل  
ظنونه راندا: لأ مكنش عندي علاقه بالشكل ده  
(وكملت وهيا متضايقه من البرود اللي بيتكلم  
بيه) ممكن تكون الوظيفه مناسبه جدا ليا الي ان  
الماضي بتاعي دي حاجه تخصني وحدي ولو مش  
هتقدر تتحمل ده يبقي اقوم امشي من دلوقتي  
احسن رفع حواجه في دهشه مستبده وقالها ادم: \_  
ما تتكلميش معايا بالاسلوب ده كبحت راندا غيظها  
وفكرت في طريقه تلف بيها الجو شويه وتعالج  
الموقف راندا: \_ بعذر عن الاسلوب ده مكنش  
المفروض استسلم للغضب بالشكل ده بس انا

متعودتش ان حد يسألني اسئله شخصيه كده ادم:  
اعتذارك مقبول سألت راندا: انت ليه موظفتش  
واحد من هنا (راندا زي ما قولنا عايشه في مصر غير  
ادم اللي عايش بره في اسبانيا) جاب ادم: عناصر  
التفضيل مش للدم ( وغير الموضوع) لو خلصت  
قهوتك اطلعي غرفتك نامي لان الدكتور هيكون  
موجود الصبح بدري راندا: قبل الفطار؟؟ ادم: ايوه  
لان في فحوصات بيتعمل قبل الفطار والنتائج  
هتكون عندي وقت الغدا راندا: اعتقد ان النتيجة  
هترضيك لان صحتي زي الحصان وسابته وطلعت  
اوضتها وفضلت تفكر وسألت نفسها هيا مستعده  
تشتغل عند الشخص المستبد ده؟ وهو ليه  
مطلبش دليل لمؤهلاتها؟ اكيد هيطلب قبل توقيع  
العقد طلع النهار واستعدت ليوم جديد ووقفت في  
البلكونه تتفرج علي الجنينه الكبيره اللي حوالها  
شويه ودخلت الخادمه سميره (سميره كانت بنت  
اكرم الخادم الخاص لادم) وقالتلها ان الدكتور وصل  
كان في الخمسينات فحصها بأدق فحص في حياتها  
واستمر ساعه كامله يفحص فيها وحست انه

مفیش شبر في جسمها ما اتفحصش شويه وجت  
سميره وعرفت راندا منها انها بنت اكرم وعندها ١٨  
سنه وكانت ساكته قوي ومبتردش غير علي قد  
السؤال فطرت في اوضتها ونزلت تتفرج علي القصر  
الي هيا فيه وعرفت ان ادم مش هيرجع غير وقت  
الغدا ولقت في الجنينه حمام سباحه وقررت تنزل  
شويه جريت علي اوضتها ولبست مايوه وفوقه  
فستان قصير ونزلت لحمام السباحه وفضلت في  
الميه فتره طويله وسألت نفسها مين يرفض حياه  
بالشكل ده ممكن يكون ادم مستبد بس مع شويه  
دبلوماسيه و صبر هتمشي الامور وبعدين الراتب  
رائع ده غير انه العقد لمدته سنه تستحملها وزي  
ماتكون شويه وحست انه في ضل فوقها فتحت  
عنيها لقت ادم واقف علي طرف الحمام بيتفرج  
عليها ولابس بنطلون ابيض وقميص مفتوح لونه  
ازرق وايديه في جيوبه ادم: استمتعت بالمياه؟ عدلت  
نفسها وجاوبت بسرعه: انا اسفه كان لازم استأذن  
قبل ما انزل الحمام رد بدهشه: الحمام اتعمل  
علشان يستخدم ومش لازم تستأذني قبل ما

تستعمليه بس دلوقتي وقت تسويه الامور ردت  
اكيد... قلبها دق بسرعه لما قرب علشان يشدها من  
الميه راندا: هتتبل ادم: اتبل وايه يعني؟ حسست بقوه  
اديه لما مسك اديها وقوته لما رفعها من الميه  
بسهوله وتسمرت قدامه لحظه وعنيها في عنيه  
وحسست برعشه في جسمها كله وحسست بمشاعر  
متلخبطه من قربها منها وبعدت شويه عنه ولبست  
فستانها ومقدرتش تبصله غير لما كملت لبسها  
وسأله راندا: لما قلت نسوي الامور قصدك انك  
بتستغني عني؟ رد بانفعال: لأ انا عدت علي الدكتور  
في طريقي واكدلي ان صحتك ممتازة راندا: معني  
كده انك قبلتني في الوظيفه؟ ادم: ايوه لو غيرت  
هدومك دلوقتي هيكون في وقت قبل الغدا نوقع  
العقد راندا: اكيد اكيد مشيت جنبه وترددت اكيد  
العقد ده هيغير حياتها كفايه تردد بقي فرصه زي  
دي مبتكررش طلعت وغيرت هدومها وراحتله  
للمكتب كان واقف جنب الشباك لما دخلت  
وملامحه غامضه وقالها : -العقد فوق المكتب  
راجعيه قبل ما توقعي هزت راسها مفيش تردد تاني

راندا:-عارفه كل اللي محتاجه اعرفه مسكت القلم  
ووقعت ورجعتهوله موقع بصله ومعلقش وحطه  
في المكتب وقالها دلوقتي نتغدي كانت وجبه  
خفيفه اكلت وهيا مبسوطه وسألته بعد كده راندا:  
بما ني اتعينت المفروض اعرف ايه المطلوب مني  
اعمله وهبدأ فوراً بصلها بتعجب ادم::معنديش مانع  
انه نبدأ الليلة دي باسرع ما يمكن راندا: الليلة؟؟ ادم:  
لو عايزه بعد الظهر معنديش مانع برضه براحتك؟  
بدأ الشك يكبر جواها وبصتلها واخيرا نطقت راندا: انا  
مش متأكده من اني فاهمه حاجه اتفحصها بهدوء  
لفترة طويله وتعبيرات وشه اتغيرت تماما وسألها  
بكل برود ادم: تفتكري ايه هيا بنود العقد اللي  
وقعتيه؟؟ راندا: ايه؟ اكيد اعمال السكرتيه هدير  
قالتلي انك محتاج سكرتيه قالها بغضب مخلوط  
بحاجه مفهمتهاش: هيا قالتلك كده؟؟؟؟ الظاهر ان  
اختك ما بتحترممش اي حد ومش صادق نهائي راندا:  
ليه بتقول كده واذا مكنتش محتاج سكرتيه فانت  
عايز ايه مني جاوبها بعد فترة صمت وكل كلمه

نطقها كانت اشبه بضربه ((( انا عايز ابن من  
صليبي))) يتبع.....

———— Part Break ————

الفصل الثالث ♡ ملخص اللي  
فاتت انه ادم قال لرندا انه عايزها تجيله عيل من  
صلبه وهيا دي الوظيفة راندا معرفتش هيا فضلت  
اد ايه مصدومه ومش عارفه تستوعب اللي ادم قاله  
واخيرا نطقت: -انت بتهزر صح؟ -انا مبهرش في  
الامور دي واختك كانت عارفه المتطلبات دي -انا  
مش قادره اصدق ..مستحيل تكون عارفه وتقبل ده  
-كذب اختك ثبت في كذا موقف لحد دلوقتي  
...انفجرت راندا فيه وقالت: -لان مفيش حد في كامل

قواه العقلية -واولهم انا -يتوقع اللي انت بتقوله ده  
رد بصعوبه: -انتي خلاص وقعتي علي العقد  
.طلبتني مني انك تكوني مكان اختك وده اللي  
هتعمليه -مستحيل "ووقفت بسرعه وقلبها بيدق  
بسرعه لدرجه انها حسست انه هيخرج من مكانه  
وقالتله -انا همشي من هنا فورا -ده مش هيحصل  
احنا بنا اتفاق واجب التنفيذ من ناحيتك ..ولمعت  
عنيه ببريق غريب ردت وهيا بتترعش وماسكه  
بمسند الكرسي : -مش هتقدر تجبرني علي  
ده(واضافت بتأكيد) ومفيش محكمه هتاخذ بالورق  
اللي انا وقعته ضحك ضحكه ناشفه ورد ببرود: -  
انت مش عارفه انتي وقعتي علي ايه فمين قالك  
ان المحكمه مش هتاخذ بيه -ومع ذلك.... قاطعها  
باشاره من ايده تدل انه صبره نفذ: بغض النظر انتي  
هتلتزمي بالعقد..وده اللي اقدر اقولهولك دلوقتي انا  
سبق وحذرتك اني مش هقبل اي تراجع تاني -  
مكنتش اعرف العقد فيه ايه لازم تصدقني.(قالت  
بيأس) رد بهدوء شديد بعد ما سيطر علي غضبه: -  
انا واثق من صدقك بس كلامك ده تقولييه لاختك



مش ليا .انا اديتك فرصه تقرأى العقد قبل ما  
توقعي بس انتي اخترتي انك ما تقريهوش فدي  
غلطتك انتي مش انا -ده يدل ان انا هبله لأ وكمان  
غبيه ..لو عايز تخلف ليه ما تخلفش بالطريقه  
الطبيعيه زي كل لناس -انا مش عايز اتجوز كل اللي  
عايزه طفل يورثني بدل ما كل الثروه تروح لناس  
ماستاهلهاش وشها بقي اصفر من كتر الخوف  
وسألته: -امال انت عايز تخلف مني ازاى من غير  
جواز -العقد اللي انتي وقعتي عليه جي الوقت  
اللي تعرفي انتي وقعتي علي ايه بالضبط اولاً عقد  
جواز عرفي علشان الطفل يكون شرعي ثانياً بعد ما  
الطفل يتولد هتتخلي عن كل حقوقك فيه والوصايه  
الكامله ليه ثالثاً مش من حقتك تعرفي اي حد علي  
الاتفاق ده ولو عرفتني حد هنكر الجواز وهتعتبري  
عايشه معايا بطريقه غير شرعيه قاطعته راندا  
وقالت: -انت اكيد مجنون مش طبيعي مفيش حد  
عاقل يعمل كده ابدا وميهمنيش انت بتعرض عليا  
ايه انا هرجع بلدي دلوقتي ومش هتقدر تمنعني رد  
بصوت ناعم خطير: انت فاكهه كده؟ وياتري ناويه

تمشي ازاي من هنا؟ اتحفيني - بنفس الطريقه اللي  
جيت بيها. - بالعربيه؟ ومين اللي هيسوقها كل اللي  
بيشتغلو عندي ولاثم ليا ومش هينفذوا غير  
اوامري - هأمشي لاقرب بلد ومن هناك اركب اي  
وسيله مواصلات - كل سكان القريه دي بيشتغلو  
في مصانعي مش هتلاقي حد يساعدك واقرب بلد  
علي بعد عشرين كيلو هتقدري تمشي كل ده  
رفضت انها تستسلم بسهوله قدامه: - هعمل كل  
اللي اقدر عليه علشان امشي - بس كفايه بقي..رد  
ادم وهو علي اخره : - كملي اكلك وبعد كده نتكلم  
بصتله في صمت وهيا مش عايزه تصدق انها خلاص  
ادبست هيا ممكن تحمل وتشيل جواها طفل لحد  
ما تعرفوش طفل مدفوع الاجر مجرد التفكير  
مرفوض: - كده الطفل هيكون مش شرعي - الظاهر  
انك مش مركزه انا قلت انه في عقد جواز عرقي ده  
لضمان الشرعيه للطفل مش ليكي وبعد ما يتولد  
هتخذ كل الاجراءات القانونيه وهتستلمي ساعتها  
باقي الخمسين الف دولار اللي اتفقنا عليهم  
المفروض واصلك منهم عشرين - عشرين؟؟ - ده

كان الاتفاق مع اختك الظاهر ان اختها ماكدبتش  
بس في الوظيفة دي كدبت في كل حاجه قبضت  
عشرين الف دولار واديتها خمسه الاف جنيه وهيا  
كانت فرحانه بيهم مبدأ اختها ديما (الغايه تبرر  
الوسيله) راقبها ادم وهيا بتفكر ومفاتوش الي هيا  
بتفكر فيه: -الظاهر ان اختك كدبت في دي كمان  
اديتك كام؟؟ -غلطان..انكرت طبعاً... كنت بفكر انه  
ده ثمن حقير قوي وطلبك كمان تجاهل ادم  
اهانتها وقال: -ولائك لاختك موضع تقدير بس  
ولائك مش في محله..علي العموم دي حاجه بينكم  
انتو الاتنين سكت وبعدين كمل بتهديد: -هتقعدي  
ولا اقعدك انا بالعافيه مشكتش للحظه في تهديده  
ففضلت تحافظ علي كرامتها وقعدت لازم تلاقي  
طريقه تخرج بيها من الورطه دي سألت بعد شويه:  
-ايه اللي كان هيحصل لو هدير ما  
بعتتنيش؟القانون ماكنش هيرجعها لك -ومين قالك  
اني كنت هرجعها بالقانون ..كانت هترجع غصب عنها  
-هتخطفها؟؟ -لو مفيش حل ثاني ايوه -حتي لو  
رجعتك المبلغ؟ -الفلوس مش مشكلتي لانها علي

عكسك كانت عارفه بكل شروط العقد لما وافقت  
ولو مكنش عندها بعد نظر وبعثتك كانت هتواجه  
غضبي -وانت فاكر انك لما تخطفها محدش  
هيلاحظ -من اللي عرفته عن اختك واسلوب  
حياتهايبقي اجابه سؤالك..نعم..علي العموم مش ده  
المهم دلوقتي المهم انك استوفيتي كل الشروط  
اللي انا محتاجها الصحيه والجسمانيه والاهم من  
كل ده ان انا هاكون اول راجل يلمسك وده في حد  
ذاته يستاهل المبلغ اللي تحدديه حسست راندا ان في  
نار طالعه من وشها وقالت: -انت سافل ..مش من  
حقك.....قاطعها -من حقي وانتي اديتيني الحق ده  
وكل ما اقتنعتي بسرعه كان افضل لينا ودلوقتي  
كلي لو كانت هتموت من الجوع مكنتش تقدر في  
اللحظه دي تاكل وحست اد ايه هيا عاجزه اي نوع  
من الرجاله يفكر كده ويعمل الترتيبات دي؟ والاهم  
ازاي هتخرج من الموقف ده؟ في اللحظه دي دخل  
الخدم أكرم ومعاه صينييه عليها اطباف تانيه فكرت  
راندا انه ممكن يساعدها بس بنظره لادم عرفت انها  
لازم تعتمد علي نفسها لانه زي ما قال ممكن

يكلفهم شغلهم وبعد ما خرج أكرم قالت: -لو جي  
البيبي بنت هتعمل ايه؟ خططك هتفشل -كل  
عيلتي بتجيب اولاد من اكر من مائتي سنه وحتى  
لو ده حصل نجدد صلاحيه العقد بنفس الشروط  
علشان يغطي طفل كمان -وانا كل المطلوب مني  
افضل اخلف لحد ما اجيب لحضرتك ولد وبعد كده  
اخذ افراج -لحسن الحظ ان اللي مسئول عن بنت  
ولا ولد هو الراجل مش الست الظاهر انك  
متعرفيش احياء -الموضوع كله مثير للسخرية...انا  
مش هستسلم بسهولة -قصدك اني هضطر  
لاستعمال القوه؟ -طبعا مش هستسلم ابدًا -  
معتقدش اني هحتاج للقوه ..لكن لو هي دي  
الطريقه معنديش مانع...وهز كتفه صرخت في وشه:  
-انت سافل عارف كده؟ -اعتبريني كده لو ده  
هيريحك بس انا افضل لو تسميها تبادل منفعه  
مش سفاله -ولو ثبت ان انا عاقر هتعمل ايه -امال  
الفحوصات اللي عملتيها كانت ليه ولا نسيتي انتي  
ممکن تخلفي عشر عيال مش واحد وانا طالب  
واحد بس -اعوذ بالله منك يا اخي انت ايه .وبعدين

انت ناسي ان الطفل ده هيكون ابني كمان مش  
يمكن ما وافقش امشي - ارجع افكرك بالعقد انتي  
خلاص وافقتي انك تتنازلي عنه مقابل مبلغ من  
المال والحضانه كامله ليا الكلام معاه كان تضییع  
للوقت واكيد مش هوصل للنقطه دي اكيد هلاقي  
حل قالت راندا: -هرجعلك المبلغ ونفسخ العقد  
ضحك بصوته كله وقالها: -كله متأكده؟اختك اديتك  
كام منه -شيء ميخصكش وبعدين متختار واحده  
من عيلتك وحافظ علي نقاء الدم والعيله -هو احنا  
هنفضل نلف وندور لحد امتي سبق وقلت  
معنديش رغبه في الجواز ولا هنفضل نعيد نفس  
الكلام كل شويه فاجأه صرخت وضربت باديها  
الصفرة لدرجه كل اللي عليها اتهز وقالتله: -هقتل  
نفسي قبل ما اخليك تلمسني.. جاوبها وهو مش  
متأثر بالمره من كلامها: -الحياه حلوه وبعدين مش  
ممکن تغيري رأيك لما تجري الموضوع ويمكن  
يعجبك علي العموم انا هجيلك الليله وكل ليله لحد  
ما اتأكد من حصول الحمل ولو عايزاني اكون رقيق  
معاكي اتصرفي علي الاساس ده والا... سكت هنا

وسابها تتخيل هيا باقي الكلام -عايزه اكون لوحدي  
ممکن اطلع اوضتي؟؟ -براحتك تروحي المكان اللي  
يعجبك بشرط انك ما تحاوليش تمشي من هنا ولو  
عايزه اي حاجه اطلبها من الخدم هينفذوا كل  
طلباتك سابتة وطلعت علي اوضتها وحست انها  
جوه زنزانه هتعمل ايه وهتتصرف ازاي لازم تحط  
خطه للهرب بالنسبه ليه استجداء عواطفه مش  
هينفع لانه اشتراها ودفع الثمن وبقت ملكه يعمل  
اللي عايزه اي انجذاب كانت حساه ناحيته انتهى  
فهو انسان معندوش شرف ولا كرامه علشان يعمل  
ده ومجرد التفكير لو مانجحتش وتر كل جسمها  
وقالت لنفسها "فكري لازم تفكري" ياتري هتعمل  
ايه ؟ وهتعرف تهرب ولا لأ؟ يتبع....

———— Part Break ————

الفصل الرابع ♡ نعم انا احبه ♡ قررت راندا انها لازم تهرب دخلت سميره عليها عند العصر بالشاي وكالعاده متكلمتش معاها وفكرت راندا ياتري الخدم يعرفو ايه عن وضعها وممكن يساعدها ولا لأ. اكيد لأ محدش هيخاطر بشغله علشان خاطر واحده



غريبه يبقى لازم تعتمد علي نفسها . جه وقت  
العشا لبست فستان كتان ابيض وحطت مكياج  
خفيف وقررت انها تحاول تكسب وقت ونزلت  
ولقت سجانها سبقها ومستنيها وكان لابس بدله  
كتان بيضه زيه واول ما شافها ابتسم وقالها: -  
تطابق نادر. تشربي حاجه ؟ طلبت عصير وقعدت  
وهو جاب العصير وقعد جمبها وقالها: -اعتقد جي  
الوقت اللي نحاول نفهم بعض شويه ضغطت راندا  
علي نفسها علشان ما تقومش من جمبه لانه كان  
قريب منها قوي لدرجه انها شامه ريحه عطر بعد  
الحلاقه بتاعه راندا: -التفهم الوحيد اللي محتجاه  
منك انك تسييني امشي من هنا هز راسه وجاوبها :  
-انتي بترجعينا من مكان ما بدأنا لازم الاتفاق يفضل  
قائم ..مممكن اكون كنت عنيف معاكي شويه بس  
انا مستعد اديكي وقت تتكيفي فيه ردت بلهفه : -  
اد ايه؟ ادم: -كام يوم راندا: -لا كريم قوي.. اتنهد ادم  
بصوت يدل انه مستحملها بالعافيه وقال : -انا فعلا  
بحاول اكون كريم بس لو مش عاجبك يبقى خلينا  
زي ما كنا .الليله هكون عندك (ضبطت اعصابها اي

تأخير احسن من مافيش) راندا: -خلاص موافقه  
اديني كام يوم ادم: -قوليلي خوفك مني انا بس ولا  
من الرجاله عموما؟ راندا: -مش خوف. بس انا  
بعتبران الحب عنصر اساسي لممارسه الحب ادم: -  
الحب مش مهم المهم يكون فيه جاذبيه..انا عن  
نفسي لو مالمقيتكش جذابه مكنتش قبلت بيكي  
بديل ردت عليه بغیظ: -علي كده حضرتك كنت  
شايف هدير جذابه برضه. ضحك ادم من غيظها  
وقالها: -علي فكره انتي احلي منها بكتير  
فامتغيريش منها ..(اتلخبطت وردت بسرعه )- ايه  
غيره ايه؟ انا اغير عليك انت ليه يعني؟؟؟؟ وعلشان  
تهرب من احمرار وشها غيرت الموضوع وسألته  
راندا: -انت قابلتها ازاي؟ (قبل تغيرها للموضوع ورد  
عليها) ادم: -عربيتها خبطت عربيتي قدام القصر  
فاضطريت ادخلها عندي وبعدين تصليح العربيه  
اخذ اسبوع ففضلت في ضيافتي راندا: -وطبعا  
سيادتك اغريتها بعرضك ادم:؟ -هيا مكانتش  
محتاجه لاغراء اناعرضت وهيا وافقت. وفهمتني انها  
لازم ترجع بلدها تسوي امورها وترجع ومقاتلش انه

في حبيب مستنيها راندا: -عرض الجواز كان مفاجأه  
وبعدين محدش يقدر يلومها انها فضلت الجواز  
علي عرضك (وسألته فجأه) -هو انت فعلا كنت  
هتروح وراها ترجعها لو انا ما جيتش؟؟ ادم: -بنفس  
التصميم اللي هروح وراكي بيه لو حاولتي تهربي  
وبنفس النتائج اللي هتتعرضلها لما ارجعها فكرت  
راندا في نفسها انا لو هربت من هنا مفيش قوه علي  
الارض هتقدر ترجعني تاني واول مكان هروحه  
هيبقي للبوليس مسك ادم وشها وقالها : -مهما  
يكون اللي بتفكري فيه في عقلك ماتحاوليش  
تنفذه لان تهديداتي مش في الهوا .فاهمه؟ ردت عليه  
بتحد وقالتله : -ولو حاولت هتعمل ايه هتأمر  
بضربي؟؟ ادم: -ضرب اه ..بس بايدي مش بايد حد  
غيري راندا: -وطبعا حضرتك هتستمتع بالموضوع  
ده قوي ادم: -مش بالاسلوب اللي انتي متخيلاه لان  
احاسيسك قويه وانا اكره امسك بسوء .اسمعي  
كلامي ومش هنضطر لكده مسكت لسانها علشان  
متردش عليه وفكرت في نفسها لازم تحايله علشان  
تعرف تهرب راندا: -انت حطيتني في موقف حرج يا

باشمهندس ادم: -ادم قولي ادم وبس ولما كان لسه  
ماسك وشها باديه قرب منها براحه وخط شفایفه  
علي شفایفها بكل رقه وبطريقه خلت الاحاسيس  
جواها زي النار وتوترت غصبا عنها ولما بعد عنها  
بصتله كأنها متخدره ادم: -تجاوبك معايا طبيعي  
مااعتقدش اني هحتاج لاستعمال القوه لما يجي  
الوقت ياروح قلبي اتضايقت راندا من تجاوبها معاه  
وقالت لازم اهرب بسرعه قبل ما يعرف يسيطر عليا  
عملت راندا كل اللي تقدر عليه وقت العشا علشان  
تقنعه انها شالت فكره الهرب من دماغها وفوجئت  
انه صحبتته حلوه ومتحدث لبق لدرجه انها نسيت  
للحظات هيا هنا ليه وهو كمان ارتاح للكلام معاه  
ولما شال التكشيره من علي وشه بان اصغر كثير  
واكثر جاذبيه لدرجه انها لو قابلته في ظروف تانيه  
كان هيكتسحها من غير تفكير لانه مختلف عن اي  
راجل اتعاملت معاه قبل كده سألته وهما يبشربوا  
القهوه راندا: -هو سبب رفضك للجواز انك مش  
بتحب الستات؟ ابتسم وسألها : -انتي بتتهمني  
بميول تانيه؟ وده كان اخر حاجه تتوقعها من راجل

زیه فردت : -لأ لأ. ولا للحظه واحده ادم: -طمنتيني .  
علي العموم اسباب رفضي للجواز شخصيه  
وملهاش علاقه بكرهي للسئات علي العكس انا  
باعتقد ان صحبه السئات ضروريه بصتله من غير  
تردد: -قصداك مهمين في سريرك؟ ادم: -مش واخده  
بالك انك بتتجاوزي حدود اللياقه؟ راندا: -مش اكر  
منك ادم: -باستثناء ان ده حقي راندا: -ده من وجهه  
نظرك انت بس.. الفلوس ممكن تشتريلك جسم  
بس مش مهم الروح صح؟ ادم: -تعبير شاعري في  
عالم مفيهوش مكان للشاعريه انا شايف فيكي  
اكر من برودك اللي بتحاولي تبينه ..مين عارف  
يمكن علاقتنا تتطور ومحتجش للعقد فكرت هيا لأ  
علاقتنا هتفضل بارده وفضلت تتطمئن نفسها  
علشان متعترفش برد فعل جسمها التلقائي  
للمساته هو ممكن يخلي صوته رقيق لما يحب ولما  
يمارس الحب مع واحده لازم يمارسه برقه وحراره"  
ايه ده ايه اللي انا بفكر فيه ده كده غلط هو مش  
رقيق ولا حساس وهيا بالنسباله وسيله مش اكر  
هو واختها كان هيبقو ثنائي ممتاز الاتنين

معندهمش قلب وميهتموش غير بمصالحهم  
الخاصه ومعندهمش ضمير بالمره قال فجأه: -الجو  
حلو الليله تعالى نقعد في الجنينه شويه راندا: -لأ  
شكرا ..هيا كانت عايزه تفضل لوحدها..انا مش بحب  
الهو الطلق ادم: -طالما ميينفعش معاكي الرقه  
يبقي تعالى غصب عنك . (وكمل بنبره ناعمه) -الهو  
هيفيدنا احنا الاتنين راندا: -لو انت مصر يالا بينا ..  
وقف وقالها تعالى..قالت بدهشه لما خرجو بره راندا:  
-الجو تحفه مكنتش متخيله كده..كانت نسيت انها  
رفضت الخروج في الاول.. جاوبها: -شفت بقي  
الموضوع مش صعب زي ما انت متخيله راندا: -لأ  
ارجوك ..(خافت انه يرجع عن المهله اللي ادهالها  
(..انتي وعدتني بكام يوم ادمك -فعلا وعدت..اسبوع  
من النهارده وسواء كنت مستعده ولا لأ هنفذ اتفارقنا  
فكرت راندا)(بعد اسبوع مش هكون هنا) قالت  
لنفسها هيا مش هتجرؤ تفضل لان قواها العقليه  
مش كفيله انها تقاوم مطالبه خلال كام يوم عرفت  
راندا كل حته في القصر وبدأت تصاحب سميره  
شويه وتحاول تخليها تتكلم معاها بس برضه

مقدرتش تعرف هيا عارفه وضعها ولا لأ وفي كل  
مكان بتروحه بيكون حد من الخدم موجود اما ادم  
محاولش يقرب منها بطريقه وديه تانيه من اخر ليله  
كانو في الجنينه بس في احيان كانت بتلاقيه ببصلها  
بنظرات تأمليه مفهمتهاش وكان ديما بيخرج من  
الصبح ويرجع علي الغدا ويخرج تاني ويرجع علي  
العشا او يسهر بره وهيا معندهاش فكره هو بيروح  
فين.. عدت نص المده الي هو حددها وقررت انها  
تهرب بالليل بفرس من الاسطبل وده اسهل من انها  
تحاول تسرق مفاتيح عربيه من عنده هيا خبرتها في  
ركوب الخيل محدوده بس اهي توصلها لاقرب بلد  
ومنها تركب اي وسيله موصلات والفلوس لسه  
معها. ولما تهرب اول حاجه تعملها تروح للبوليس  
وبعد كده تروح لاختها وتحاول تاخذ منها باقيه  
الفلوس علشان ترجعها له وبكده ضميرها يكون  
مرتاح عملت خطتها وعملت حساب لكل حاجه  
اللي معملتش حسابيه بقي انها متلاقيش جواز  
سفرها طب ازاي هترجع بلدها من غير الجواز  
سألت سميره عليه فانكرت انها تعرف مكانه . كان

ساعتها ادم في مكتبه رفع راسه بدهشه لما دخلت  
راندا عليه وقال: -انا مسمعتش تخبيط علي الباب  
راندا: -يمكن لان انا مخبطتش .(كانت منفعله لدرجه  
انها نسيت اداب الذوق معاه وسألته) -انت اخدت  
جواز السفر صح؟ جاوبها بكل هدوء: -ده صحيح.  
اعتبريه تأمين لضمان عدم هرويك راندا: -انا  
مكتتش ههرب .وبعدين ههرب ازاي وانت مخلي  
ديما حد يراقبني ادمك -طيب. يبقي هتحتاجي  
جواز سفرك ليه هو معايا في امان اطمني (سكت  
شويه وبعدين سألها) -عندك حاجه ثاني تقوليها؟  
راندا: -لو هقول حاجه اكيد هغلط فيك ادم: -يبقي  
في الحاله دي انا مش فاضي دلوقتي .ممکن بعدين  
انزلك البلد نتمشي شويه وافرجك عليها راندا: -ده  
هيبقي نتيجه حسن سير وسلوك صح؟ جاوبها  
بحده: -فاضلك ثلاث ايام متخلينش  
اختصرهملك..اتقي غضبي وشري ده لو انتي عايزه  
بقيه مهلتك راندا: -ربنا ياخذك (صرخت وقفلت  
الباب وراها) انا لازم اهرب الليله واروح السفاره اكيد  
هيرجعوني وكلهم لازم يعرفو ان انا مش سهله



جهزت نفسها للهروب الليله حطت هدوم قليله في  
شنطه صغيره وخبثها ورا الدولاب ولما الليل يجي  
والكل ينام هرووخ الاسطبل واخذ فرسه واهرب بيها  
يا تري هتعرف تهرب ولا ايه؟ يتبع....

———— Part Break ————

الفصل الخامس ❧ نعم انا احبه❧❤ جميل جدا  
تفاعلكم معايا وياريت ديما تقولولي توقعاتكم  
واتمني فعلا انها تكون عجايبكم عايزه اعرف رأيكم في  
الشخصيات وكل حد فيكم يقول رأي به بصراحه بعد  
كل حلقة ولو عنده اقتراح او حاجه ممكن تكون  
احسن من كده تعالو نبدا الحلقة الحلقة الخامسه  
قررت راندا انها تهرب بالفرس بعد ما الكل ينام  
وجهزت كل حاجه وفعلت قررت الليله انها تهرب وفي  
وقت العشا فضلت هاديه ومكانتش عايزه تتكلم  
مع ادم وكل ما يكلمها ترد اجابات مختصره لحد ما  
صبره نفذ.. راندا: انت ممكن تجبرني افضل هنا بس  
عمري ما هرضي ابدأ اني استسلم انا مش واحده  
من خدمك ادم: انت عامله زيه القطه ناعمه بس  
اظافرها طويله وبتخربش ولازم اقصقصهم راندا: انا

مش هجادلک لو ده اللي انت عايزه لان انا عارفه انه  
لو هنستخدم القوه فانت اقوي بكتير وهو ده اللي  
بيفلح فيه الرجاله انهم يعرضو عضلاتهم ادم: انا  
معنديش شك في ذكائك بس في استخدامك ليه  
فهل من المنطق انك تتحديني في مكان سلطتي؟  
راندا: وهل من المنطق ان تتوقع من واحده غريبه  
انها تنفذ اموامرك لمجرد ان دي رغبتك؟ وحتى لو  
افترضنا اني هنفذ شروطك ايه اللي يضمنلك اني  
اول ما اخرج من هنا ما اروحش للسلطات واطالب  
بطفلي؟ ادم: ولا شئ بس انا محتفظ بموافقتك  
المكتوبه ومفيش اي محكمه في الدنيا هتحكم لام  
وافقت انها تأجر رحمها مقابل شويه فلوس بغض  
النظر عن انها غيرت رأيها بعد كده راندا: توافقي؟؟ انا  
موافقتش علي كده وانت عارف كده كويس ادم:  
اثبتي كلامك وخليكي عارفه ان مفيش حد هنا  
ممکن يشهد ضدي راندا: انت سافل ادم: انا حاجات  
كتيره بس دلوقتي انا هعاملك بالطريقه اللي ممكن  
اعامل بيها حد تجرأ انه يغلط فيا (كده ممكن  
خططتي تفشل لازم اتراجع شويه علشان اعرف

اهرب) راندا: انا اسفه اني اتماديت لكن انا مش هقدر  
اكون زي واحده من رعاياك ادم: انا اتهاونت معاكي  
كتير بس خلاص الليله هنفذ اتفقنا راندا: لا انت  
وعدتني باسبوع ادم: ايه اللي ممكن يحصل في ثلاث  
ايام زياده؟ راندا: حاجات كتير انا بقاوم في مشاعري  
لاني محتاجه وقت علشان اتوافق معاها ادم: قصدك  
اني قربي ليكي حاجه انتي مش بتكرهها زي ما انتي  
بتحاولي تبينيلي؟؟؟ راندا: وهو ده شئ صعب  
تصدقه؟ انت اكيد لاحظت ازاي لما لمستني  
لمستك اثرت فيا انا عمري ما عرفت راجل زيك  
قبل كده ادم: عمرك ما عرفت راجل ابداء... عمرك ما  
قابلتي حد عرف يحرك مشاعرك صح؟ (سكت  
شويه وكمل كلامه) ادم: وريني بتحسي بايه ..تعال  
هنا ورديلي بوستي ليكي فكرت راندا اعمل ايه لو  
رفضت هيفهم حقيقه مشاعري فقامت وقربت منه  
وقلبها بيدق بسرعه ونفسها كان صعب وباسته  
علي خده ضحك وقالها ادم: انت مش بتبوسي عيل  
صغير انا هوريكي ازاي شدها وقعدها علي رجله  
وكانت شفایفه شعله اکتسحت روحها وما

حسيتش بنفسها وهيا بتلف اديها حوالين رقبتة  
وبتشده ليها اكرت وغابت كل حاجه عنها الا الدفء  
اللي هيا فيه من احضانه لدرجه انها حست  
بالحرمان لما رفع ايده وشفافيه عنها علشان يبص  
في عنيتها لاحظت انه هو كمان كان بيتنفس بصعوبه  
بس مسيطر سيطره كامله علي اعصابه : ادم: يا اما  
انتي بتتعلمي بسرعه يا اما انا غلطت في تقييمي  
ليكي ..كام مره سمحت لراجل يلمسك بالطريقه  
دي؟؟ راندا: ولا مره ادم: صعب اني اصدقك انتي كنتي  
موافقه ..لأ انتي كنتي عايزه اكرت لدرجه اني كان  
ممکن اعمل كل اللي انا عايزه ..تنكري؟؟ راندا برقه:  
لا...زي ما قلتلك قبل كده انت بتخليني احس  
بحاجات عمري ما عرفتها قبل كده لدرجه اني كنت  
فاكره نفسي بارده ادم: حتي مع الراجل اللي  
حببتيه؟ ادم: انا قلتلك اني محبتش قبل كده طول  
الوقت ده وهيا قاعده علي رجليه وهو حاطط ايدها  
ورا رقبتها وساندها ادم: لو زي ما انتي بتقولي يبقي  
نأجل ليه اللي هيحصل هيحصل؟؟ معرفتش  
تجاوب لانها معندهاش اجابه اصلا واخيرا قالت

راندا:لانه صعب عليا اتقبل ده..وبعدين هاكون ايه لو  
وافقت اني اخلف وبعدين اسيب ابني وامشي؟؟  
ادم:ده كان الاتفاق راندا: مع هدير مش معايا قام  
وقف ووقفها معاه وقالها ادم: ده مش مهم اختك  
مش هنا انتي اللي هنا ... سيبيني لوحدي ..عايز  
افضل لوحدي (ادم كان حاسس بمشاعر مش  
عارفها وكان خايف من المشاعر دي) سابتة  
ومشيت وهيا في حيره لازم تمشي بس جزء منها  
مش عايز يمشي .جوه الراجل الصلب ده انسان  
ممکن تحبه ويحبها بس مفيش فرصه لازم تمشي  
قبل ما تضعف . لبست بنطلون جينز وقميص  
قطن واستعدت لما الكل ينام واستنت في سريرها  
ومحدث هيكتشف انها مشيت غير الصبح تكون  
بعدت خالص .الكل نام لازم تتحرك دلوقتي فتحت  
بابها كان الجو ظلمه والكل نايم نزلت السلم  
وخرجت بسرعه من باب الخدم ولحظات ووصلت  
عند الاسطبل ودعت انها متلاقيش السايس اللي  
اتصاحت عليه شويه وعرفها علي الخيل واختارت  
فرسه هاديه واول ما دخلت الاسطبل راحت للفرسه

اللي كانت مختارها وبدأت تجهزها حطت عليها  
للجام والسرج وشكرت ربنا ان الفرس فعلا هاديه  
كل اللي فاضل انها تغلف حوافرها علشان  
متعملش صوت لحد ما تخرج من القصر وفعلا  
ربطت علي حوافرها القماش اللي كانت مجهزاه كل  
الي فاضل انها تركب وتمشي اخدت وقت اكتر من  
اللي كانت حسباه لازم تتحرك بسرعه خرجت  
الفرس بره الاسطبل وركبتها واتحركت خرجت من  
باب القصر وبدأت تجري ووقفت علشان تفك  
للفرس رجليها وركبت ثاني شويه ورجليها بدأت  
توجعها لانها مش متعوده علي ركوب الخيل  
بنطلونها الجينز محماش رجليها من الاحتكاك بس  
مش مهم كله يهون ولازم تستحمل كانت الدنيا  
ساكنه قوي والصمت حواليتها فجأه قلبها بدأ يدق  
بسرعه لما سمعت صوت عربيه وراها وكانت  
متأكده انه العربيه لادم جريت بسرعه اكبر كل همها  
انه ميلحقهاش بس عمر الفرس ما تسبق العربيه  
ومحستش بنفسها غير وهيا طايره من فوق الفرس  
لما وقعت بيها وفضلت تتدحرج علي الارض لحد ما

استقرت حسـت بـألم في جسمها كله ومعرفـتش هيا  
اغـمي عليها ولا لأ وشافت الفرس راقده جمبها  
خافت عليها وحاولت تقوم بس ما اقدرتش  
وسمعت صوت فرامل عربيه وقفت وشافت ادم  
واقف فوقها وملامحه غامضه وقالها: ما تحاوليش  
تتحركي ممكن يكون في حاجه مكسوره راندا: لأ  
مفـيش كسور ادم: انا اللي احدد ( وبدا يحرك راسها  
براحه ويشيل شعرها من علي وشها وحس بورم في  
راسها ووسط ده كله راندا ما اخدتش بالها من نظره  
الرعب اللي كانت علي وش ادم وخوفه عليها وقال  
:الورم ده لازم يتعالج راندا: شوف الفرس الاول ..هيا  
اغلي مني بصل ليها نظره دوبتها وقالها  
ادم:اخـرسي.. كنت فاكـره نفـسك هتـروحي مني فين  
يا غـبيه؟؟ راندا: اي مكان بعيد عنك.. انا كرهت كل  
لحظه قضيتها معاك انت مش فاهم انا بكرهك  
ادم:مش ده اللي حسيته منك بالليل راندا: يبقي انا  
ممثله شاطره غرورك خلاك تقتنع باللي انت عايزه  
ابتسم ادم وهيا كان نفسها تشيل الابتسامه من  
علي وشه باي طريقه حتي لو هتقطع وشه باظفرها



وفعلا مدت ايدها ناحيته بس لقت قبضه من حديد  
مسكت اديها وثبتتها جنبها وقالها ادم: انا حواسي  
مش متبلده ولا ميته .. الليله اللي فاتت كنت ملكي  
اعمل اللي انا عايزه وجسمك كله كان مشتاق  
للمساتي وجعها كلامه قوي لانه فيه جزء من  
الحقيقه ان مكنش كله حقيقه بس لازم تنكر وهو  
مش لازم يعرف حقيقه مشاعرها فقالتله راندا:لو  
جسمي اترعش فده من الاشمئزاز منك مش من  
الرغبه ادم بغيط:طب اشمئزي دلوقتي وفاجئها  
بقبله عنيفه وطويله معرفتش تقاومها وفجأه زقها  
بعيد عنه وقالها ادم: مالوش لازمه الانكار يالا نرجع  
للقصر ازاي سمحت لنفسها تتقبل اهانتة ليها هو  
عمل كده عمدا علشان يعرفها مين هو سيد المكان  
يبقي كده لازم تتقبل مصيرها لانه بقي بين ايديه  
بس لو كان مقرر ليها انها تخلف منه عمرها  
ماهتتنازل عن ابنها ومش هتمشي من غيره ابدًا  
وصلو القصر عند طلوع الفجر شالها ادم لحد اوضتها  
ودخلها الحمام وطلب منها تستناه لحد ما يرجع راح  
جاب مطهر ورجعلها وبدأ يعالج جروحها وهيا

حبست دموعها من الالم علشان ما يشمتش فيها  
وملاحظتش خوفه وقلقه عليها ولا لاحظت رعشه  
ايديه وهو بيعالجها وهو حاسس بألمها وقالها بعد  
ما خلص ادم: لو تعبانه ممكن اجيبلك مسكن قالت  
كذبا: انا كويسه ادم: الصبح هبعث للدكتور علشان  
نظمن عليك راندا: لأ مالوش لازمه انا... ادم  
قاطعها: انا اللي اقرر ايه اللي له لازمه وايه اللي  
مالوش ودلوقتي نامي .. انتي في امان مني حاليا لان  
انا برضه عايز اناام وهو ماشي سألته راندا: ازاي عرفت  
ان انا هربت بسرعه كده؟ ادم: ده اللي هسيبك  
تكتشفيه بنفسك... (وكمل) اكيد دلوقتي انا بقيت  
في حل من اي وعد وعدتهولك انت فاهمه كده  
صح؟ رانده: صح ادم: كده احسن تصبحي علي خير  
وسابها وخرج وكانت معنوياتها في الحضيض  
فرصتها ضاعت دلوقتي هتعمل ايه عمرها ما  
هتخليه يتبسط معاها ابدًا ولا هتستسلم بسهولة  
لازم يحارب علشان يلمسها .نامت ومصحيتش غير  
لما حسّت بحد جمبها وفتحت عنيتها لقت الدكتور  
جمبها الدكتور: اسف لو صحيتك بس الباشمهندس

ادم كان قلقان عليكي جدا لما نمتي كتير كده (ادم  
قلقان عليا طب تيجي ازاي) لراندا: هو الوقت ايه  
دلوقتي؟ حاولت تقوم بس مقدرتش جسمها كله  
صرخ من الالم الدكتور: الساعه واحده ونصف ..  
حاسه بايه؟ راندا: الم في راسي لما وقعت الدكتور:  
ده من اثار الوقعه بس مفيش اصابات خطيره انت  
محظوظه يا انسه لان المشي اثناء النوم ممكن  
يسبب حاجات اخطر من كده بصتله راندا بدهشه  
الدكتور ده بيهزر ولا ايه مشي ايه اثناء النوم بس  
شكله بيتكلم بجد وهو بي فحص فيها اكيد ادم قاله  
كده علشان يداري محاولتها للهرب وهو بالتالي  
خايف انه حد يعرف انها حاولت تهرب لانه مفهم  
الناس انها هنا بمزاجها .يبقي ممكن الدكتور  
يساعدها لو عرف انها هنا غصب عنها ولسه هتتكلم  
شافت ادم بيقرب عليها وكأنه فاهمها ادم: لازم نكون  
حذرين اكتر من كده في المستقبل وانا عن نفسي  
هخلي بالي منها اكتر من كده ..أفضل يا دكتور  
اوصلك لعربيتك اول ما خرجوا وقفت راندا بسرعه  
وضغطت علي نفسها ودخلت الحمام اكيد الميا

السخنه هتخفف شويه من الامها شويه ولقت ادم واقف في باب الحمام والغضب بيطل من كل حته في وشه راندا: انت بتعمل ايه هنا ومين سمحلك تدخل عليا كده شدت فوطه ولقت بيها نفسها ادم: انا زهقت من تكرار اني بعمل اللي انا عايزه مسك فوطه كبيره وقرب منها ادم: اخرجي من عندك معرفتش هو ممكن يعمل ايه لو عارضته فوقفت وسمعت كلامه ناولها الفوطه واداهها ظهره لحد ما خرجت ولقت نفسها وقالتله راندا: ارجوك سيبني في حالي ادم برقه: ولو انا مش عايز اسيبك؟؟ انا حذرتك وانت اللي مسمعتيش كلامي مفيش انتظار تاني راندا: انا اتربيت علي مبادئ وافكار انه لازم يكون في ارتباط بين اي شخصين قبل ما يكونو مع بعض ولازم يكون في حب ادم: بس انتي بتكرهيني ده لو انا فاهمك صح علي الرغم من اني بحس ان جواكي شوق مش قادره تخبيه حسنت انه عنده حق بس بمجرد ما تستسلم مره عمرها ما هتقدر تتحرر تاني منه راندا: لو كل اللي عايزه مني هو الطفل يبقي مالوش لازمه انك تتقرب مني ادم:

انا مش حيوان.. هو انتي ليه ديما بتحاولي  
تتضايقينني؟ راندا: لاني مش مستعده اكون عبده  
ليك لاني سريرك ولا براه حسست انه هيضربها بس  
شويه وسيطر علي اعصابه وكلمها بهدوء ادم:  
مممكن يكون عندك حق بس خلي الوقت يصفي  
الخلافات ما بيننا وقرب منها اكثر لكن هيا خافت  
ورجعت لورا راندا: المسافه بيننا كبيره جدا ادم: فعلا  
..والظروف ما كانتش في صالحنا بس احنا مممكن  
نقرب المسافات وحسست بانفاسه علي وشها  
وحاولت تهرب بس في حاجه جواها اتمردت عليها  
وخانتها لكن هتحتفظ بكبريائها للنهايه راندا: العقد  
ما يلزمنيش اني ادليك حاجه مش عايزه اديها لك  
حسست لما قالت كده ان التعبير خانها وانها كشفت  
احاسيسها من غير ماتعرف وانها رغم كل حاجه  
مشتاقه له ياتري ايه اللي هيحصل يتبع.....□

———— Part Break ————

الجزء السادس] نعم انا احبه] ♥ ملخص الحلقة  
اللي فاتت لما فشلت محاوله راندا للهرب وادم كان  
معهاا ويحاول يسيطر عليها واخر كلمه قالتها: -  
العقد ما يلزمنيش ادليك حاجه مش عايزه اديها لك  
وطبعا ندمت جدا انها نطقت الجمله دي لانها  
فضحت مشاعرها شال ادم راندا وحطها بكل رقه  
علي السرير كانها حاجه ممكن تتكسر في ايديه  
وعيناه مش مفارقه عنيه دورت وشها بعيد عنه  
ادم: بصي لي وماتخافيش مني (ونام جنبها علي  
السرير ومسك بايده وشها وقالها: بصي لي) ضمها  
ادم لصدره وهو جنبها وهيا فقدت كل احساسها  
بالسيطره راندا: انا بكرهك ادم: بتكرهيني بس  
عايزاني صح؟ راندا: لا لا. كل اللي عايزاه اني اخلص

منك ادم: انت بتضحكي عليا ولا علي نفسك .قولي  
انك عايزاني راندا: انت هتروح جهنم ضحك ادم منها  
ادم: انا مش هروح اي مكان من غيرك وبدأ ادم  
يبوس فيها وغرقوا هما التنين في احاسيس رائعه  
واللي عمله فيها كان مختلف تماما عن اي حاجه  
اتخيلتها ..مختلف تماما لحد مدهش وحست انها  
بتحلق في افاق تانيه افاق عمرها حتي ما حست  
بيها حتي في اجمل احلامها .. عاشت اجمل لحظات  
عمرها وهيا بين احضانه وعلمها ازاي يكون الحب  
ولو كان فعلا يبحبها كانت هتبقي اسعد واحده في  
الكون كله وبعد كده محاولش ادم انه يبعد عنها  
بالعكس خلاها في حضنه لدرجه انها حست بالامان  
والرضا وكان عندها رغبه انها تبكي بين ايديه حس  
ادم بيها وقالها \_ : اهدي انا مش هروح في اي مكان  
انا هفضل جمبك ما تخافيش من اي حاجه كل  
وقت العالم ملك لينا حست راندا بدقات قلبه كأنه  
هو كمان مش عارف يسيطر علي اعصابه هو كمان  
كان متلخبط جدا مش عارف ايه اللي بيحصله ده  
دي ماكانتش اول مره ليه ينام مع واحده بس

الاحاسيس دي كانت جديده عليه حس كأنه اول مره  
يعيش واول مره قلبه ينبض بالطريقه دي نامت  
راندا فتره ولما فاقت لقت نفسها لوحدها وحست  
بتقل في قلبها وسألت نفسها (ايه اللي هيخليه  
يفضل جمبي) كل اللي حصل كان مرحله اوليه للي  
هيتكرر لحد ما يحقق غرضه والمفروض انها تتبسط  
لانه ضحي بوقته وقعد جمبها شويه ادم مكانش في  
الحقيقه قاسي لمانام معاها بالعكس كان حنين  
جدا ومتفهم لمشاعرها للغايه . حست انها قريبه  
منه زي ما تكون حبيبتة .لأ مش لازم تفكر كده هيا  
مش حبيبتة هي مجرد وسيله مش اكثر وبعد ما  
تقوم بمهمتها هيتخلص منها ..فاقت راندا من  
افكارها علي صوت الدش وفرحت قوي يبقي ما  
سبهاش ومشى وده مش معناه حاجه بس هو  
بيحترمها مش مجرد علاقه وخلاص قعدت علي  
السرير وضمت ركبها بايديها . خرج ادم من الحمام  
وقالها باهتمام وهو رايح ناحيتها ادم: في حاجات كتير  
لازم اعلمها لك بس قبل اي حاجه انا مليت ليكي  
البانيو بميه دافيه علشان الكدمات اللي في جسمك



راندا: انا معنديش كدمات \_ كانت نسيت  
الحادثه\_ولما حاولت تقوم مقدرتش وقالت: انا  
نسيت الكدمات والجروح خالص ادم: اعتبر ان دي  
مجامله لاني نسيك الامك لفتهر سكت شويه وهو  
مستنيها تقوم ولما ما اتحركتش قالها \_: لو عايزاني  
اشيلك انا معنديش مانع؟ هيا كانت مكسوفه تقوم  
فشد الغطا من فوقها وقالها \_: الجمال ده مش  
لازم تخبيه مني ابدأ راندا: اكيد مش هتعود عليك في  
كام ساعه انا عمري ما حد شافني بالمنظر ده قبل  
كده ادم: بس انا مش اي حد حاولت تقوم بس ما  
قدرتش فقرب ادم منها وشالها لحد ما دخلها الحمام  
وقالها \_: هسيبك براحتك المره دي اخيرا بقت  
لوحدها وحست بتغير بصت في المرايا بست لقت  
شكلها زي ماهو يعني التغير كان من جواها وفكرت  
في اللي حصل وحست انها لازم تخلص حمامها  
بسرعه علشان تفضل جمبه فكرت في شكله  
ونطقت اسمه بشفايفها وفجأه افكرت انها مش  
حبيبته ولا عمرها هتكون اختفت كل الاحاسيس  
الكلوه من جواها وحل مكانها الم فوق الاحتمال .

ازاي تكون مشاعرها كده ناحيه واحد بينفذ رغبتة  
من غير اي اعتبار لحاجه تانيه؟ كان ممكن يستخدم  
معاها القوه بس محتاجهاش لانها غبيه اكيد هو  
دلوقتي مبسوط بانتصاره . فضلت في الحمام اكثر  
وقت ممكن وبعد كده خرجت لقتة لابس هدومه  
كلها وقالها اول ما شافها ادم: انا مضطر امشي في  
مشكله في الشغل لازم احلها(سكت شويه  
وهويبصلها وقالها) عندك حاجه عايزه تقوليها  
شاورت بدماعها لأ واتثبتت مكانها لما قرب منها  
وحط ايده حولين رقبتها وباسها .كانت نظراته غريبه  
لما بعد عنها ممكن يكون بيحبها .اكيد لأ ادم:  
هبعثلك سميره بالشاي ومشى من غير ما يستني  
منها رد. ياتري الخدم هيقولو عليها ايه؟ وهتواجههم  
ازاي وهما عارفين ايه اللي حصل اكيد طالما نام في  
اوضتها فوجئت ان الساعه ٤ العصر مع انها حسنت  
ان زمن عدي من ساعت ماشافها الدكتور.ادم  
هيجع تاني ومش هتقدر تتمنع عليه لازم تهرب لازم  
يكون في حل .لبست هدومها قبل ما سميره تتطلع  
واول ما دخلت كالعاده ما اتكلمتش وهيا ماشيه

قالت \_: ماتمشيش عايژه اتكلم معاكي سميره: انا  
ورايا شغل يا هانم راندا: مفيش حاجه مينفعش  
تتأجل.. انت عارفه يا سميره انا هنا ليه؟؟ اترددت  
سميره وقالت: انت هتجيبى طفل للبشمهندس ادم  
راندا: بس ده مش برضاي انا هنا غصب عني هو ده  
عدل؟ سميره: مش من حقي اني اقرر يا هانم انا  
عارفه اللي بيتقالي بس راندا: بس دي الحقيقه انا  
محبوسه هنا حاولت اهرب امبارح بس ادم لحقني  
ورجعني سميره: انت سرقت الفرس وحسين  
السايس هيطرد من شغله بسببك ولما ادم بيطرده  
حد من عنده محدش بيجرؤ يشغله تاني راندا: بس  
ده ظلم انا مش هسمح بكذا ابداه هو ميدفعش تمن  
غلطتي (ونسيت مشكلتها هيا) لازم تتكلم مع ادم  
ومتسمحش بالظلم ده وحسين السايس ميدفعش  
تمن غلطتها راندا: قولي لحسين ما يقلقش وظيفته  
باقية هزت سميره راسها وسابتها ومشيت فضلت  
راندا في اوضتها بقيه اليوم ولما الليل جه لبست  
فستان اسود جميل ونزلت للعشا بس احبطت لما  
أكرم قالها ان ادم مش هيجي علي العشا حست

كأن حد ضربها بالقلم وهيا كانت متوقعه ايه  
هيسيب شغله ويجي يتعشي معاها؟؟ وعشان  
خاطر ايه ما تنسش نفسك .اتعشت وزهقت من  
القعهده لوحدها وخرجت الجنينه تمشي شويه  
سمعت صوت مزمار جميل من اخر الجنينه وراحت  
ناحيه الصوت وكانت لابسه جزمه كعبها عالي  
فقلعتها ومشيت حافيه لقت مجموعه من العجر  
ناصبين خيام ومولعين نار وبيعزفو ويرقصوا فضلت  
تتفرج عليهم .وبدؤا يعزفو بجيتار وهيا بتتفرج  
ومستمتعه علي الاخر حسوا بيها وسمعت حد  
بيسألها : انتي مين؟ راندا: انا سمعت صوت  
الموسيقي من جوه البيت انا اسفه مش قصدي  
اتجسس عليكم سألوها :انت ضيفه الباشمهندس  
ادم صح؟ راندا: ايوه انحنى بأدب وقالها: احنا يشرفنا  
وجودك معانا راندا خافت: لازم ارجع البيت قالو:لازم  
تشوفي كرم ضيافتنا الاول وفعلا قعدت معاها  
واتعرفت عليهم واستمتعت بوقتها .شويه وواحد  
سألتها \_ انتي اللي هتولدي طفل ادم صح؟؟ راندا:  
وعرفتي ازاي؟ \_ مش مهم عرفت ازاي... قربت منها

الست ومسكت ايدها وقالتلها تسمحي اقرالك  
الكف خافت راندا منها بس سابتها تقرألها الكف  
هتخسر ايه يعني قالتها الست \_ هتجيبني ولد  
وبعده بنت وهتعيشي مع ادم عمر كبير الطريق  
صعب في اوله بس في الاخر هتكوني راضيه قالت  
راندا لنفسها ادم عايز ولد واحد مش اسره وعمره ما  
هيهم اكون شريكه له في حياته اكيد الست دي  
بتخرف سألت راندا: يعني انا عمري ما هرجع بلدي  
ردت العرافه: ممكن ترجعي بس قلبك هيفضل هنا  
ولازم تتطاوعي قلبك شدت راندا ايدها وقامت  
وقالتلهم: راندا: شكرا لحسن ضيافتكم بس انا لازم  
ارجع ماكانش المفروض اجي من الاول \_ لأ  
ماكانش المفروض تيجي فعلا)) (وده كان ادم  
نفسه)) كان شكله متضايق وماسك نفسه بالعافيه  
ادم: هترجعي معايا دلوقتي يا تري ادم هيعمل  
معاها ايه وهيعاقبها علي خروجها؟ يتبع....

———— Part Break ————

الجزء السابعه ] نعم انا احبه ] ♥ اخدها ادم من ايدها ومشى بيها ورجعو ناحيه البيت مشيت جنبه ومجرؤتش تتكلم وفضلو ساكتين لحد ما بعدو عن الناس ادم: البسي جزمك انتي مش زيهم علشان تمشي حافيه راندا: انا قلعتها علشان مش هعرف امشي بيها علي الزرع وممكن اقع ادم: مش مهم البسيها راندا: ماشي بس لو وقعت انت هتكون السبب ادم : مش هتقعي .. لو كنتي فاكركه انهم ممكن يساعدوكي تبقي غلطانه لانهم هيخاطروا بزعلي سألت راندا برقه: قصدك انهم بيخافوا منك؟؟ ادم: محدش جاب سيره الخوف بس هما علي ارضي بموافقتي ماتروحيش هناك ثاني راندا: سمعت صوت الموسيقى فمن زهقي رحت علشان اتفرج مش اكثر كملت كلامها: ولا المفروض افضل جوه مستنيه سي سيد لما يرجع؟ ادم: بالظبط ده اللي عايزه منك راندا: ده في احلامك ادم

وقفها ومسكها من كتفها وثبتها وسألها ادم: افندم  
بتقولي ايه؟ راندا: قولت ده في احلامك..انا لو  
اضطريت اني اتقبل حاجات غصب عني فده كل الي  
هتطوله مني ولو عايز تضربني اضرب بس عمرك  
ما هتغيرني .فاهم؟ فضل يبصلها شويه ولما اتكلم  
حست بنبره اعجاب في صوته ادم: عندك روح عاليه..  
وعلي رغم ان ضربك ممكن يبسطني بس مش  
هيغيرك. اوعديني انك ما تروحيش هناك تاني وده  
امر مش طلب الغيظ اللي جواها بدأ يتبدد ويحل  
مكانه حاجه تانيه راندا: هحاول ادم: دي مش اجابه  
راندا: خلاص ماشي ارتحت فضلو ماشين جمب  
بعض وفجأه سألته راندا: رحت تشوف حد من  
الستات اللي تعرفهم وعلشان كده اتأخرت .صح؟  
ادم: معنديش ستات تانيه طول ما انت ليا راندا: انا  
مش ليك ..جسمي بس هو اللي ليك ادم: خلاص  
يبقي استغله كويس .امشي علي مهلك مش  
عايزك تتعبي هتحتاجي لمجهودك الليله دي كانت  
مشاعرها ابعد ما تكون عن الخوف هيا جربت رفته  
قبل كده وزى ما يكون واحشها . لازم تبعد مشاعرها

شويه سألته بعد شويه راندا: ازاي عرفت مكاني؟؟  
ادم: أكرم كان مراقبك ولما انا رجعت جيتلك راندا:  
لو مكنتش اتخرت بره مكنتش خرجت للجنيه ادم:  
قصدك ان دي غلطتي ان انا اتأخرت. خلاص يا  
روحي هحاول اوفرك كل وسائل التسليه قبل ما  
اخرج بعد كده راندا: يعني انت هتبقى تتأخر كثير؟؟  
ادم: مش اكثر من اللي يتطلبه شغلي راندا: ادم  
ممکن اطلب منك طلب؟ ادم: طول ما نديتيني  
باسمي يبغي اتفضلي راندا: انت مكنتش عادل في  
طردك لحسين بسببي. ضميري هيفضل يعذبني  
ارجوك رجعه ادم: بقي كده ..ضميرك؟؟ راندا: انت  
ليه تلومه هو ادم: لان وظيفته انه يخلي باله من  
الاسطبل والخيول وهو قصر في وظيفته راندا: اكيد هو  
مسموح له ينام؟ ادم: هو اتوسطك ليا؟ راندا: لأ انا  
مشو فتوش انا عرفت من سميره... ارجوك عيد  
النظر في قرارك مش هيقدر يشتغل في مكان ثاني لو  
انت طردته ادم: دفاعك عنه مؤثر راندا: لاني مبحش  
حد بيتأذي وخصوصا بسببي لو هتوصل اني اترجاك  
علشان توافق ادم بابتسامه: انصحك توفري رجاكي



لحاجه اكبر ولا ايه رأيك ؟ يمكن تحتاجيله في حاجه  
لنفسك راندا: الحاجه الوحيدده اللي ممكن اطلبها  
انت رفضتها..... لو وعدتك اني مهر بش تاني هتسيبه  
يرجع شغله؟؟ ادم: هتعملي كده علشان خاطر واحد  
ما تعرفيهوش؟؟ راندا: دي مسأله مبدأ ادم:  
هسمحله يفضل لو هتلتزمي بوعدك انك ما  
تهربيش مني نجحت بس بأي تمن كده بقت ملكه  
وبعد ما وصلو البيت ادم: عايزك تتنقلي اوضتي  
راندا: بس انا معنديش هدموم للنوم ادم: مش  
هتحتاجيها لا الليله ولا اي ليله جايه .عايز احس  
بيكي جمبي دخلت راندا اوضته وكانت افخم اوضه  
شافتها في حياتها كل حاجه فيها رائعه قالها ادم وهو  
بيخلع هدمومه ادم: ده الحمام تحبي تستعمليه الاول  
ملقتش صوت ترد بيه هتعيش معاه زي اي زوجين  
طب ازاي واخيرا نطقت: \_هستني وقالها براحتك  
فضلت تفكر هتعمل ايه وهتعيش معاه ازاي لما  
اول مره كانت بالروعه دي امال بعد كده هيحصل  
ايه ولو خلفت فعلا هتمشي ازاي وتسبب حته منها  
مبقتش عارفه تفكر .شويه وخرج ادم من الحمام

ادم: الحمام تحت امرك بس خلي بالك مش  
هستني كثير راندا: محدش قالك ان الانتظار بيكون  
افضل في حاجات؟ ادم: لأ محدش قال يا حبيبته  
قلبي وبعدين مش في كل حاجه بيكون الانتظار حلو  
طولت علي قد ما تقدر بس لازم تتطلع في النهايه  
وخرجت لقت الاوضه ظلمه الا من بعض الانوار  
الجانبية وادم اول ما شافها اخدها جمبه وكانت ليله  
هتعيش ذكراها مدي الحياه فتحت عنيه بعد الفجر  
وكان ادم لسه جمبها حتي في احلامها ماكنتش تحلم  
بكل ده ومهما كان هو مبسوط الي انها مش اكثر  
من وسيله لاستمرار نسبه كانت وهي سرحانه  
بتحرك اديها علي صدره ولما وصلت للحقيقه دي  
وقفت ايدها ادم: وقفت ليه سألها برقه بس هيا  
اتفزعت لانها كانت فكراه نايم مد ايده علشان تنام  
عليها وقالها : ضميني ليكي انا محتاجك قوي  
شفافيه دورت علي شفافيهها واخذ منها كل اراده  
فاضله ليها وحلق بيها في افاق جديده صحيت تاني  
كانت الشمس ماليه المكان بس المره دي كانت  
لوحتها قامت وقالت لازم افوق من الاحلام دي

افتكرت انها معهاش هدوم فلبست روب ادم دخلت  
الحمام وخرجت منتعشه شويه وجت سميره  
بالفطار لان ادم طلب ان الافطار يروحلها الاوضه بس  
المره دي سميره كانت مختلفه سميره: صباح الفل  
يا هانم .حسين هيفضل في وظيفته هو بيشكر  
جدا راندا: انا معملتش غير الواجب لانه كان هيطرده  
بسببي سميره: لو حد غيرك ماكنش اهتم ..لو عايزه  
اي حاجه يا هانم اوامريني قالت راندا بعد ايه ما  
خلاص فات الاوان راندا: ادم خرج؟؟ سميره : ايوه  
وهيرجع وقت العشا يوم كامل من غير ما تشوفه  
طب هتقضي اليوم من غيره ازاي فضلت تتمشي  
من هنا لهننا وفي الظهر نزلت حمام السباحه لحد ما  
زهقت وطلعت قعدت جمبه وغرقت في النوم  
صحيت وحست انه في حد بيراقبها فتحت عنيتها  
لقت ادم جمبها راندا: انا مسمعتش صوت عربيه ..  
انت جيت امتي؟ ادم : من حوالي نص ساعه راندا:  
انت جمبي من نص ساعه؟؟ شافت ابتسامه عل  
شفافيه ادم: يمكن مكنتش جمبك الفتره كلها ..  
متقلقيش انا متعديتش اي حدود وشها احمر

وقالته راندا: انا مجاش في بالي كده ادم: امال قلقانه  
من ايه اني اشوفك وانتي نايمه؟؟ انتي نسيتي انتي  
كنتي في حضني طول الليل؟ اتكسفت راندا جامد  
منه وغيرت الموضوع راندا: انت رحت الشغل؟ ادم:  
ايوه وبعد كده كان ورايا حاجات لازم اعملها سكت  
شويه وكان باين عليه انه بيدور علي كلام مناسب  
للي عايز يقوله ادم: انا غلطت في حقك كتير.. ومش  
هعتذر لانه مفيش اعتذار في الدنيا يكفي للي انا  
عملته فمفيش غير حل واحد ادم: انا قررت ان انا  
اتجوزك رسمي وشرعا قدام الكل بعد ثلاث ايام  
ومش هلمس منك شعره واحده لحد ما تكوني  
مراتي شرعا يا تري راندا هترد بايه وهتوافق ولا  
هترفض وطلب ادم الجواز احساس بالذنب ولا حب؟

© 2025 - Wattpad.... يتبع



الجزء الثامن] نعم انا احبه]♥ طلب ادم من راندا انها تتجوزه وقالها ان فرحهم هيكون خلال ثلاث ايام . راندا جالها حاله زهول ومعرفتش ترد وفضلت شويه ساكته واخيرا نطقت راندا: طب الجواز ده مش هيصعب عليك الامور لما تيجي ترميني بره بعد ما اخلص مهمتك؟؟ ادم: لأ مش ده اللي اقصده . احنا جوازنا هيكون دايم وطبيعي راندا: وايه اللي خلاك تغير رأيك؟؟ ادم: اللي انا عملته . في اساليب شريفه للخلفه غير الغباء اللي انا عملته قلبها رجع لهدوءه تاني . عايز يتجوزها علشان يصلح الغلط اللي عمله مش علشان اي سبب تاني واخيرا ردت باحباط راندا: مش ملاحظ ان في حاجه مهمه انت مش واخذ بالك منها؟ ادم: ايه هيه راندا: مين قالك ان انا مستعده ارتبط ببيك ارتباط دايم ؟ ولا كالعاده انت تؤمر ورعاياك تنفذ؟ ادم: انتي ممكن تكوني حامل دلوقتي في ابنتا ..بالنسبه لاختك كان العرض مختلف . اما انتي انا غلطت في الحكم عليكي

(وأكمل كلامه) \_: زي ما قلت قبل كده مفيش اي  
اعذار تبرر اللي انا عملته. وكل اللي اقدر اعمله اني  
احاول اعوضك عن اللي حصل حاولت راندا انها  
تتكلم بس كل اللي قدرت تقوله كان كلمه واحده  
راندا: والحب؟؟ ادم: الحب عبارته عن عاطفه مبالغ في  
تقديرها راندا: مش بالنسبه ليا ادم: وتعرفني ازاي؟  
انتي قلت انك عمرك ما حبيتي قبل كده.. انتي  
بتدوري علي حاجه مالهاش وجود. الناس في اي  
مكان في العالم لما بيقولو " احبك " بيكون قصدهم  
يقولو "انا عايزك " وانا عايزك. وعمايزك تكوني ام  
لعيالي ده مش كفايا كان نفسها تصرخ باعلي صوتها  
وتقول " لأ مش كفايه انا عايزاك تحبني " بس بدل  
كده سألت راندا: خلاص استني لما نتأكد اذا كنت  
حامل فعلا ولا لأ قبل ما ناخذ قرارات دايمه ادم:  
فات الاوان لكلامك.. انا خلاص قومت بكل  
الاجراءات الازمه وكل اللي فاضل اجراءات شكلية  
لكن قانونا انا عملت كل حاجه انت ناسيه ان جوازك  
معايا راندا: وكالعاده انا ماليش حق في الاختيار ادم:  
مكنتش عايزك تختاري.... (هو كان خايف لتقول

لأ..من هنا ورايح هتنامي لوحذك لحد مانكون  
زوجين راندا: انت عامل زي اللي بيقفل باب بيته  
بعد ما اتسرق ادم: لو انتي قصدك ان بعدك عني  
هيضايكك بنفس المقدار اللي هيضايقني يبقي ده  
شئ يسعدني علي العموم انا هعمل فرح علي  
الضيق علي الرغم من ان الناس هنا هيحبو يحتفلو  
بالموضوع ده اكرم هيجهز كل حاجه  
فمتقلقيش..ودلوقتي قومي ادخلي جوه من الحر  
ده قامو ودخلو . حتي في اجمل احلامها عمرها ما  
فكرت انها تكون مراته بس لو كان بيحبها كانت  
هتكون اسعد واحده في الدنيا وبعدين مش العرافه  
قالتلها امبارح انها هتعيش معاه راندا: انا هطلع اغير  
هدومي ادم: براحتك وانا ورايا شويه شغل وبالليل  
هنخرج افرجك علي البلدونتعشي بره دخلت  
اوضتها وفكرت ازاي هتعيش مع واحد مش بيحبها  
وبينكر حتي وجود شئ اسمه حب . لو كانت حامل  
فعلا يبقي هيا مقدمهاش اختيارات طب لو مش  
حامل.. لاحظت ان افكارها بتدور في حلقه مفرغه  
بعد ثلاث ايام هتكون مراته ومفيش قدامها بديل.



كانت البلد جميله والمطعم الي اخدها ليه زي ما  
يكون بيت خاص مش مكان عام راندا: انت مش  
مضايقتك انك تتجوز واحده غريبه عن بلدك ؟؟ ادم:  
لو هيضايقتني مكنتش عملته راندا: لا انا ولا هدير  
كمان نفهم في عداتكم وتقاليديكم ولا كنا من الاسر  
الغنيه في يوم من الايام ادم: ده بالنسبه لتفكيرك  
بس. العوامل المهمه مالهاش علاقه بمكانه الانسان.  
عقل سليم في جسم سليم دي كانت مقاييسي  
ممکن اكون حكمت غلط علي اختك . تصرفها انها  
تبعتك هنا من غير ما تعرفك حقيقه الموضوع زي  
سوء تصرفي انا لما اكتشفتي الموضوع..... انا  
بتمني ان ابننا يورث اخلاق امه مش اخلاقي انا راندا:  
ممکن ما اكونش حامل اصلا ادم:: لو محصلش  
هيحصل بعدين راندا: انت قلت قبل كده انك مش  
عايز تتجوز ادم: من حق اي انسان انه يغير وجهه  
نظره..كل اللي قلته كان واقع بس كنت بفكر في  
نفسي بس لكن حتي الطفل هيجتاج لام فكرت  
راندا في نفسها "لو انا اللي علمته ده بيبقي الموضوع  
يستاهل يمكن اعلمه مع الوقت يحبني ونخلي

جوازنا ناجح" حسست لما وصلت بافكارها لكده انها  
جعانه فعلا واكلو ولاحظت ان كل الناس تقريبا  
تعرف ادم وحسست بنظرات الفضول من كل اللي  
البنات اللي بيحسدوها علي مكانها وسألته بعد  
شويه راندا: انت مش بتستقبل ضيوف ابدأ؟؟ ادم:  
في مناسبات نادره.. انت تحبي تستقبلي ضيوف؟  
راندا: مش قوي انا مش اجتماعيه . واكيد مش  
هعرف اتعامل مع الوسط بتاعك ادم: في ناس كتير  
بيتمنوا ان انا اعمل حفلات كتير زي والدي بس انا  
مش بحب الجو ده وماليش اصحاب كتير في  
الحقيقه هما اتنين بس بعبرهم اصدقاء قريبين  
مني ولسه كان هيكمل كلامه بس نظراته راحت  
لبعيد ووقف يسلم علي حد وسمعت صوت واحده  
\_\_ :ادم. من زمان مختفي ياتري مختفي فين؟؟  
ادم: مش مختفي ولا حاجه.. اقدملك راندا.. راندا دي  
سالي كانت سالي جميله قوي ومن البنات  
الارستقراطيه وحسست راندا انها بسيطه قوي مقارنه  
بيها وفاقت علي سؤال سالي سالي: انت جايه  
تقضي اجازتك هنا؟؟ جاوبت وهيا بتبص لادم لانها

مش عارفه تقول ايه راندا: لأ واتكلم ادم بصوت  
رزين وهادي ادم: راندا تكون خطيبي لو حد كان  
قال لسالي انها هتموت بكرة ماكنتش اتصدمت  
بالطريقة دي . وحست راندا ان في نار بتتطلع من  
عنين سالي سالي: انت هتتجوز؟؟؟؟ ادم: ده شئ  
طبيعي.. مش هتباركيلنا سالي بصت لراندا وقالت:  
اعذريني الموضوع كان مفاجأه . وامتي الفرح؟ ادم:  
احتفالنا هيكون صغير وعلي قدنا وفجأه اتكلم راجل  
كان واقف ورا سالي والظاهر انها نسيت ان كان في  
حد معاها \_\_ يالا نروح لتراييزتنا للحظه ما  
اتحركتش سالي وبعد كده هزت راسها ومشيت مع  
صاحبها.. ومرت لحظات صمت قطعتها راندا راندا:  
هيا متضايقه ليه؟؟ ادم: مفيش حاجه تخليها  
تتضايق..ولسه راندا هتتكلم فقاطعها ادم  
وقال..الرقص هيبدا تعالي نتفرج بدأ الرقص بس  
راندا كانت في دنيا تانيه . ياتري مين سالي دي وليه  
اتصدمت بالطريقة دي؟ بس ادم قال انها مفيش  
حاجه تخليها تتضايق .. ممكن تكون هيا سبب كره  
ادم للستات ورفضه للجواز ؟ بتبع.....□

———— Part Break ————

الحلقه التاسعه [] نعم انا احبه [] ♥ اتعشي ادم  
وراندا مع بعض وظهولر سالي شغل افكار راندا  
واحتارت هيا ايه بالنسبه لادم اتفرجو علي الرقص  
ادم حس ان راندا مش مستمتع فسالها ادم: لو  
مش عاجبك المكان نروح مكان تاني نكمل سهرتنا  
فيه؟؟ راندا: لأ المكان جميل بس انا مش متعوده  
علي السهر جاوبها بكل رقه: تعال نمشي قبل  
العرض الثاني ما يبدأ بدأت رحله رجوعهم للبيت في  
صمت وكان راندا نفسها تسأله ميت سؤال عن

سالي بس مقدرتش وفي الاخر حاولت تقطع الصمت  
وسأله راندا: هلبس ايه في الفرحة؟ ادم: هتنزلي  
المدينه وهيعجبك حاجات كتير فيها متقلقيش  
راندا: هنزل لوحدي؟؟ (كان نفسها يقولها انه هينزل  
معها) ادم: اتصلت بمحمود صحي وهيتعشي هو  
ومراته امل معانا بكره وامل هتنزل معاكي راندا:  
اكيد استغربوا انك هتتجوز؟ ادم: استغربوا بس  
اتبسطوا جدا لاني اخيرا هتجوز. اللي بيكونوا  
مبسطوين في جوازهم عايزين يجوزا الناس كلها كان  
ادم سايق بس للحظه فضل باصصلها وابتسم  
وقالها ادم: امل لما تتعرفي عليها هتحبها وخصوصا  
انكم قريبين في العمر من بعض ومعندكمش عيله  
كبيره زي راندا: امال اولاد عمامك وخيلانك  
متحسبهمش من العيله؟ ادم: انا بتكلم عن القرايه  
المباشره. وبعدين دول كل همهم انهم يورثوني بالحيا  
راندا: هتدعيهم للفرحة؟ جاوب بطريقه انه مش عايز  
اسئله تانيه ادم: علاقتنا تكاد تكون معدومه وصلو  
القصر بعد نص الليل ودخلو وطلعو السلم وقف  
ادم وكان علي وشه تعبيرات غامضه وقالها ادم: هنا

لازم اسيبك واقولك تصبحي علي خير كان نفسها  
يقرب منها او حتي يلمسها بس هو متحرکش من  
مكانه راندا: وانت من اهل الخير ومشى من غير ما  
يبص وراه كانت حاسه باحباط بس فکرت في نفسها  
انها مش هتفضل كتير لوحدها كلها ثلاث ليالي  
وهيضمهم سرير واحد تاني.. بس لو ابطل اعيش في  
احلامي واتوقع كتير فرحت راندا جدا لما لقت  
محمود ومراته بيتكلموا عربي لانها مهما كانت  
بتتكلم انجليزي كويس بس مش للدرجه اللي  
تخليها تفهم حوار كامل ومعرفتش ادم قالهم ايه  
عنها وهما محاولوش يخرجوها باي حاجه وفعلا زي  
ما قال ادم راندا حبت امل جدا .كانت امل بتتكلم  
مع ادم بتلقائيه حسدتها راندا عليها واتمنت انها  
تعرف تتكلم معاه كده وکان محمود جوزها هادي  
شويه وزى ادم غني وعنده مزارع بيصدر منها  
شافت راندا شخصيه تانيه مختلفه لادم وهو مع  
اصحابه حست انه انسان عادي بيضحك وبيهزر تاني  
يوم نزلت امل مع راندا علشان يشتروا الفستان  
وفعلا اشترت فستان هادي وجميل جدا عليها

ضيق من فوق وواسع من تحت وجه وقت الحساب  
وافتكرت انها معهاش فلوس غير اللي اختها  
اديتهاها والمفروض انها ترجعها لادم بس لو رجعتها  
هيعرف ان اختها ضحكت عليها تاني ومعهاش  
تكمل الباقي (خلاص هدفع من تحويشه العمر اللي  
يدوب هتغطي تمن الفستان) لاحظت امل انها  
سرحانه فسألتها امل : ايه احنا نسينا حاجه نجيبها  
ولا ايه؟ راندا: لأ لأ بس افتكرت موضوع لازم اسويه  
مع ادم اترددت راندا شويه بس بعد كده سألت راندا:  
هو ادم قالكم ايه بالظبط؟؟ امل: احنا كنا عارفين هو  
ناوي علي ايه. وانا حاولت اخليه يغير رأيه بس  
رفض يسمعلي. والحمد لله انك جيتي بدل اختك  
وعرفتني تقنعيه.. اكيد الصدمه كانت كبيره عليكي  
لما عرفتني؟؟ راندا: تقدري تقولي كده امل: كانت  
صدمه لمحمود وليا لما ادم اتصل وقال انه هيتجوز  
بس فرحنا قوي عرفت راندا ان ادم مقالش الحقيقه  
كامله بس كده احسن راندا: اعتقد ان القرار كان  
سريع امل: ساعات نظره واحده بتكون كفايا . انا  
اول ما شفت محمود عرفت انه ليا راندا: انتو

معندكمش اولاد؟ حسست انه في حزن في عينين امل  
وندمت انها سألتها امل: لسه ربنا ما رزقناش بس  
الدكاتره قالو انه مفيش اي مانع للخلفه . ربنا  
يسهل راندا: اكيد ربنا هيرزقكم امل: امين يسمع  
منك ربنا وبعدين يمكن تخلفي انتي الاول مين  
عالم حسست راندا باحساس غريب جواها من اسبوع  
بس مكاتتش تعرف ادم ودلوقتي بتشتاق للمسّه  
ايدة وانه ياخدها في حضنه ويضمها لصدره وتسمع  
نبض قلبه تاني . بكرة هتكون مراته راندا: انتوا  
عارفين انكم المدعوين الوحيدين علي الفرحة؟ امل :  
اه . ادم في مشاكل بينه وبين عيلته راندا: اكيد مش  
هيتبسطو لما يعرفو انه هيتجوز؟ بس مش غريبه  
انه ادم اتأخر قوي لحد ما فكر انه يجيب وريث مع  
انه ممكن كان يتجوز من زمان واكيد في بنات كتير  
يتمنوه ضحكت امل: في الواقع في بنات كتير يتمنوا  
اشاره منه راندا: زي سالي مثلا؟؟ امل: انتي عرفتي  
سالي؟؟ راندا: قابلتها من ليلتين .. هيا حلوه قوي  
امل: لو ادم كان عايز يتجوزها كان اتجوزها فكرت  
راندا يبقي فعلا كان في علاقه بينهم واتضايقت.



لاحظت امل فقالت لها امل: متقلقيش من سالي  
ومتنسيش انتي اللي ادم اختارك تكوني مراته  
جاوبت راندا بابتسامه لانه مش لازم حد يعرف  
الحقيقه ان ادم بيصلح غلط هو ارتكبه اتغدوا كلهم  
مع بعض في الجنينه وكان ادم مبسوط وسط  
اصحابه . امل: بتعرفي تركبي خيل يا راندا؟ راندا:  
مش بالظبط بعرف اقع من عليهم ( اتجنبت انها  
تبص ناحيه ادم اللي كان بيضحك في سره عليها)  
ادم: لازم نعلمك ... هتحسي بالامان لما تركبي  
سانتينا (اسم الفرسه الي سرقتها) مدام ما  
تحاوليش تجري بيها قبل ما تتدربي كفابه بصت  
راندا لادم ولمحت ابتسامه في عنيه وهو بي فكرها  
باللي حصل راندا: هحاول افكر كلامك قضا فتره  
بعد الظهر مع بعض ولاول مره تحس راندا  
بالسعاده والثقه في نفسها ممكن يكون ادم مش  
بيحبها بالطريقه اللي تتمناها بس هو محتاج لها  
وعايزها جمبه ودول كفاه دلوقتي راح ادم المكتب  
وراحت وراه راندا علشان تقوله علي الفلوس وبعد  
ماعرفته هيا رايعه وراه ليه راندا: انا مش هقدر

ارجعلك المبلغ كله بس الخمسه اللي اديتها  
هدير لسه معايا سمعها ادم بهدوء لحد ما جابت  
سيره هدير ادم: المبلغ ده ملوث ومش عايز حاجه  
منه راندا: طب انا اعمل بيه ايه؟ ادم: اللي انتي  
عايزاه.. اتبرعي بيه.. اديه لاختك اللي معندهاش  
ضمير.. راندا: المبلغ ده ما يخصينيش وانا برضه  
مش عايزه منه حاجه ادم: هو معاكى . حطيه  
باسمك في البنك او ولعي فيه ..اي حاجه بعيد عني  
. اقفلي الكلام في الموضوع ده نهائي عرفت انه نهى  
الموضوع فحاولت تخفف الجو لانها مهما تقول  
مش هيغير رأيه راندا: مش انتو هنا بتقول انه فال  
وحش ان العريس يقضي اليه اللي قبل الفرح مع  
العروسة ادم: لو ده صح فانا ماليش دعوه  
بمعتقداتهم متنسيت انا مصري زيك الليله هنسهر  
مع بعض وبكره هنتجوز وبعد الفرح هنسافرانا  
وانتي علي باريس راندا: باريس؟ انت عندك شغل  
هناك؟؟ ادم: شغل ايه لأ طبعا ده هيكون شهر  
عسل راندا:مجاش في بالي ابدأ موضوع شهر العسل  
ده... علي فكره مش لازم نسافر انا هكون مبسوطه

حتي لو فضلنا هنا ادم: هنسافر باريس .. وبعدين  
اجمل بيوت ازياء في باريس راندا: اه فهمت... طبعاً  
مراتك لازم تظهر بمظهر يليق بسيادتك ادم  
مستغرب: كنت فاكّر كل الستات بيحبوا يشترّوا  
لبس جديد؟؟ راندا: مش كل الستات زي بعض  
وبعدين ممكن انا وامل نشتري لبس مع بعض ادم:  
انا هروح معاكي واقفلي الكلام لحد كده علشان  
بدأتي تضايقينني وسيبينني دلوقتي علشان ورايا  
شغل عايز اخلصه بسرعه وجه يوم الفرح ولبست  
الفستان الابيض ياتري ايه اللي مستنيها في الفرح  
وهيتم الفرح ولا؟ يتبع.....- Wattpad © 2025

———— Part Break ————

الجزء العاشره ♡ نعم انا احبه ♡ جه يوم الفرح  
وكانت راندا بفستانها البسيط من اجمل ما يكون  
لدرجه ان ادم اول ما شافها فضل شويه مش عارف  
يتكلم واخذها وراحو لمكان الفرح وعلي الرغم انهم  
ما دعوش حد بس كل اهل البلد حضروا علشان  
يحتفلو بفرح ادم وعملوا فرح ليه من اروع ما يكون  
وبعد ما عدي نص النهار اخذ ادم عروسته علشان  
يروحووا ويستعدوا للسفرولما وصلو البيت كان  
هادي لان كل الخدم في الاحتفال ودخلو اوضتهم  
كانت شنطهم جاهزه وحتى الهدوم اللي هيلبسوها  
جاهزه اتصلبت راندا لما حسست بادم واقف وراها

علشان يفكلها زراير فستانها .وحست بانفاسه  
بتحرق رقبتها ورقه شفایفه علي جسمها وقالها ادم:  
انت اجمل من اللي انا استحقه اتخرجت و غیرت  
الموضوع راندا: الطريق هياخد اد ايه لحد مانوصل  
ادم: مش كتير هنوصل قبل معاد العشا وبعد كده  
هیضمهم مكان واحد ویمكن ساعتها تصدق انها  
خلاص بقت مراته اتحركوا وسافروا ولما وصلو  
انبهرت راندا بباريس جدا ومكنتش مصدقه نفسها .  
مین كان یصدق انها ممكن تقضي شهر عسلها في  
باريس وصلوا الفندق ولاحظت ان الناس في الفندق  
عارفين ادم(یا تري جه هنا مع مین ولا جه لوحده)  
وكان جناحهم من افخم ما یكون والمنظر من  
البلکونه خیالي .. ولما دخلت الاوضه سألها ادم ادم:  
تحبی نخرج نتعشي بره ولا هنا؟؟ راندا: هنا اذا  
سمحت ادم: ايه الادب ده انا مش متعود علي ده..  
علي العموم انا تحت امرک یا مراتي الجميله کانت  
کلمه غریبه "مراتي" علیهم هما الاتنین هیا مش  
مصدقها وهو کمان مش مصدق انه اتجوز طلب  
العشا في التلیفون واتفاجئت راندا لما لقت نفسها

جعانه جدا اتعشوا في البلكونه بناءا علي طلب راندا  
لانها كانت مستمتعته بالجو جدا. ووعدها انهم  
الصبح هياخذها لأكبر بيوت الازياء قامت وقفت  
وسندت علي سور البلكونه وادم قام وقف وراها  
وحط اديه حوالها راندا: انا مش مصدقه ان انا هنا  
البلد جميله جدا ادم: احنا الاثنين هنا ... التلات ايام  
اللي فاتو عندوا كأنهم ثلاث سنين .. متعرفيش  
وحشتيني اديه استرخت وسندت نفسها عليه  
وسرحت ده الراجل اللي هتقضي عمرها كله معاها  
..بس لو يحبها لفها ناحيته علشان عايز يشوف  
عنيها وفجأه شالها ودخلو اوضتهم ونسيبهم يعيشوا  
شويه عدي اول اسبوع زي الحلم . ادم كان الزوج  
اللي بتحلم بيه اي بنت .. وعلي الرغم من عدم وجود  
لكلام الحب الي انها ماكنش في حاجه تانيه نقصاها .  
حتي زيارات بيوت الازياء كانت ممتعته ولو هيا  
وحدها مكانتش عرفت تختار ايه بس ادم كان عنده  
ذوق عالي في اختيار لبسها وحست انها بقت اميره  
اتفسحوا في كل مكان .. المكان الوحيد اللي  
مرضيتش تروحه هو مصارعه الثيران الي كان ادم

بـيعشـقـها لـكن رانـدا مـرضـيتـش تشـوف حـيـوان  
بـيـعـذـبـوه لـمـجـرد التـسـليـه وادـم تـفـهـم دـه ومـحـاولـش  
يـضـغـط عـلـيـها النـهـار كـلـه بـيـقـضـوه بـرـه لـكن اللـيـل مـا  
كـانـوش بـيـخـرجـو بـرـه اوـضـتـهـم .ادـم كـان شـدـيـد الرـغـبـه  
قـاسـي القـلـب لـكن لـيـه لـحـظـات رـقـه وـلـدـت جـواـهـا اـمـل  
اـنـهـم هـيـكـونـوا اسـعـد زـوجـيـن ورجـعـوا قـصـرـهـم بـعـد  
اـسـبـوعـيـن و اسـتـغـرـبـت رانـدا لـانـها حـسـت اـنـها رـجـعـت  
بـيـتـها اللـي اسـتـاقـتـلـه و بـدـل مـا تـكـون عـشـيـقـه بـقـت  
سـيـدـه القـصـر كـان الحـاجـه الـوـحـيـدـه اللـي مـضـايـقـاـها  
خـوفـها لـما تـحـتـك بـوسـط اـدـم لـانـها بـقـت سـيـدـه  
مـجـتـمـع وخـافـت لـو حـد سـأـلـها اتـعـرـفـت اـزاي عـلـي اـدـم  
هـتـقـول اـيـه وسـأـلـت اـدـم فـقـالـها اـدـم: كـنـت بـتـقـضـي  
اـجـازـتـك هـنا وخـبـطـتـك بـعـرـبـيـتـي وعـزـمـتـك عـلـي العـشـا  
كـتـعـوـيـض و البـاقـي مـعـرـوف رانـدا: بـس الخـدـم عـارـفـيـن  
الحـقـيـقـه افـرـض حـد اتـكـلـم؟؟ اـدـم: كـل اللـي هـنا مـوضـع  
ثـقـه ويـخـافـوا يـضـايـقـونـي وبـعـدـيـن كـلـهـم حـبـوكـي لـما  
انـقـذـتـي حـسـيـن السـايـس وفـزـت بـولـائـهـم هـزـرت رانـدا: دـه  
كـان عـلـي حـسـاب حـرـيـتـي اـدـم: حـريـه زايـفـه انا مـلـكـتـك  
فـي اللـحـظـه اللـي وقـعـت فـيـها عـلـي العـقـد الـاوـل ومـش

هتکلم عن العقد الثاني راندا: مفيش حد بيمتلك حد  
ادم: انتي ملكي... وعيالي فيما بعد هيكونو ملكي  
متنسيش ده سكتت ومردتش لان ساعات الكلام  
مبيجبش نتيجة مع ادم لازم تتعلم الصبر ولازم  
جوازهم يكون ناجح بعد كام يوم طلب ادم منها انها  
تجهز لحفل صغير هيعزم فيه اصحابه وكان الحفل  
الصغير ده معزوم فيا اكتوبر من ١٢ عيله ادم ادي  
لراندا قائمه بالناس اللي هتيجي لاحظت من بينهم  
اسم سالي وحاولت ماتفكرش فيها لانه زي ما قالت  
امل لو كان عايزها كان اتجوزها مفيش حاجه تمنعه  
جه وقت الحفل وجهزت كل حاجه وجت سالي  
ودخلت زي ما تكون ملكه وكان معاها نفس الراجل  
اللي كان معاها قبل كده عرفت راندا انه اسمه عمر  
كان جي في اجازه وكان صيده حلوه لسالي وشويه  
شويه بدأت تاخذ علي الجو وادم كان بيشرحها  
بنظراته كل شويه العشا بدأ الساعة ١١ زي عادتهم  
والمفروض تستمر السهره علي الاقل للساعة ٣  
الصبح فكرت راندا ازاي افضل فاتحه عنييا للصبح  
كده وفضلت تتنقل بين المدعوين وتقوم بدورها



كمضيفه انسحبت بعد شويه ودخلت اوضه  
للملابس في الدور الارضي علشان تعدل مكياها  
وتهرب شويه دخلت وراها سالي راندا: الجو حر  
وزحمه صح؟ سالي: اكيد ادم كان يائس لما عرض  
هليكي انتي الجواز وانتي متنفعيش تكوني سيده  
مجتمع ولا عارفه عادتنا عمرك ما هتكوني زوجه  
مناسبه لواحد في مركز ادم ووضعه  
الاجتماعي.. ياريت تكوني عارفه كده؟؟ راندا: وده  
اسميه غيظ لان ادم اتجوزني انا بدل منك؟؟؟ سالي  
وشها احمر جدا سالي: كان ممكن جدا اكون مراته لو  
كنت وافقت اني اخلفه الوريث اللي هو عايزه.. ادم  
هيعمل اي شئ علشان يجيب وريث حتي لو  
ضحى باحتياجاته العاطفيه راندا: وليه موافقتيش  
طالما بتحبينه؟؟ سالي : لاني معنديش رغبه للخلفه  
راندا: لانك متنفعيش تكوني ام سالي: اوعي تغلطي.  
انتى هنا لهدف محدد وبعد ما تنفذه هتترمي بره .  
اوعي تنسي وتضحكي علي نفسك راندا: نستني  
ونشوف . والايام بيننا. ودلوقتي بعد اذنك لازم اطلع  
لضيوفي بره صرخت سالي: كلهم بيضحكوا عليكي

بره .انتي مش ملائمه هنا. ده رأيهم راندا: ما  
تخافيش عليا انا بتعلم بسرعه فضلت راندا تهدي  
نفسها علشان محدش يلاحظ حاجه وفضلت تراقب  
ادم من غير قصد وتسجل نظراته لسالي وتراقب  
عمر اللي كان باين عليه الاحباط من اهمال سالي  
ليه واخيرا خلص الحفل وطلعو اوضتهم وادم التزم  
الصمت وحست راندا انه يفكر في حبيبته الاولي وزاد  
تأكيدها لما سابها ونام من غير حتي ما يكلمها  
ياتري هيا اللي بيضمها بين اديه ولا بيتخيلها  
سالي؟؟؟؟ وفضلت مكتائبه تاني يوم لحد ما قالها ادم  
تيجي تتفرج علي مصنعه وخرجوا مع بعض  
ووصلو المصنع ودخلت مكتبه ودخل عليهم واحد  
كبير في السن معاه مشاريب ليهم واول ما خرج  
قالها ادم ادم: اشربي العصير وبعد كده هفرجك علي  
المصنع مرديتش عليه فاتكلم هو ادم: انتي مش  
طبيعيه النهارده في حاجه مضايقاكي؟ راندا: لأ بس  
مش متعوده علي السهر . في بلدنا كانت الساعه  
عشره بتيجي بكون في سابع نومه ادم: دي بلدك  
دلوقتي .لازم تتعودي علي اسلوبنا هنا وفي اخر

الاسبوع احنا معزومين عند ناس اصحابي وبلدهم  
مشهوره بمصارعه الثيران فياريت تحتفظي  
بمشاعرك ناحيه الحيوانات دي لنفسك راندا:  
هاعمل اللي اقدر عليه. بس مقدرش اتحكم في  
مشاعري دي ادم: انتي بتبالغي دي مجرد حيوانات  
وبعدين ماهيا بتتدبح وتاكل راندا: الدبح للاكل  
حاجه وقتلها للتسلية حاجه تانيه. وبعدين ماتقلقش  
هحتفظ بارائي لنفسي . وبعدين اكيد رأيي مش  
هيكون مهم قوي ادم: بصفتك مراتي فرأيك هيهم  
الغالبية العظمي متنسيش ده اخدها ادم وفرجها  
علي المصنع وفضل يشرحها طبيعه شغله وقضوا  
الصبح كله وعلي الظهر روحوا وهما بيتغدوا سألته  
راندا: انت صحيح عرضت الجواز علي سالي؟؟؟؟  
سكت ادم للحظه وبعد كده اتكلم بصوت طبيعي  
ادم: ايوه حصل ندمت راندا انها سألته راندا: وهيا  
الخلفه كانت اهم عندك من حبك ادم: مشاعري  
مالهاش امر عليا. اكيد انتي لاحظتي ده لاندا:  
لاحظته في اللي يخصني.. بس حتي تأنيب الضمير  
مشاعر علي حد علمي .. سالي كانت هتكون زوجه

مناسبه اكثر رده طعنها في قلبها ادم: عندك حق  
فهي شاطره في المجالات الاجتماعيه اللي انتي لسه  
بتتعلميها راندا: بالاضافه لكده هيا حلوه جدا ادم:  
لاحظت ده... بما انك اكيد عرفتني الموضوع ده من  
سالي نفسها فهل قالتلك اسباب رفضها الجواز  
مني؟؟ ادم: مدام خليت عرضك للجواز بشروط  
فمش غريبه انها ترفض..اي ست هترفض ادم  
بصلها بسخريه فقالت تدافع عن نفسها راندا: انا  
مكنش عندي حريه الاختيار.صح؟ ادم: صح. وانا  
كمان مسيبتش لنفسي فرصه الاختيار في النهايه  
..دي العداله الرومانسيه.مش انتي بتسميها كده؟  
راندا: مفيش رومانسيه في جواز مفيهوش حب.. احنا  
مجرد اتنين وقعنا في فخ واحد ادم: بس في  
تعويضات راندا: بس انا لسه مقدمتش تعويضك  
ويمكن مقدرش اعوضك ابد ادم: خلاص عدي وقت  
الندم وسابها وقام .. وجت عطله نهايه الاسبوع  
وسافروا المكان اللي هيقضوا فيه الاجازه واتفاجئت  
راندا بمفاجأه مستنياها هتعكر صفو الاجازه فيا تري

ايه هيا المفاجأه وايه اللي هيحصل في الاجازه دي؟  
يتبع.....□

———— Part Break ————

الجزء ال ١١ □ نعم انا احبه □ ♥ جت عطله نهايه  
الاسبوع وسافروا المكان اللي هيقتضوا فيه الاجازه  
كانت مزرعه تبعد عنهم ساعتين بالعربيه كان  
الطريق كله مزارع وكانت كل شويه تشوف ثور نايم  
تحت شجره راندا: شكلهم هادي جدا امال ازاي  
بيتحولوا لالات الموت في حلبات المصارعه؟ ادم:  
دول الهاديين بيخلوهم للولاده والتكاثر اما الثيران

اللي بتصارع بتتحبس بعيد. بس حتي اللي انتي  
شايهاها مسالمة لو حد اثارها ممكن تقتله  
بسهوله.خوليو صاحبي اللي احنا هنروح عنده  
هيعمل سباق تجريبي علشان يختبر الثيران اللي  
عنده علشان يعرف يصنفهم راندا:يعني ايه  
يصنفهم؟ ادم: يعني يحدد ايه اللي هستخدم  
للمصارعة وايه للتناسل وايه للدبح هو ده التصنيف  
راندا: بتكلم عن خبره؟ ادم: انا اشتريت قبل كده في  
مسابقات زي دي راندا بلهفه: ايه اشتريت؟؟ او عي  
تكون بتفكر تشتري المره دي؟؟ ادم بصلها وشاف  
حب وقلق في عنيتها بس عمل نفسه مش واخذ باله  
من الحب اللي باين في عنيتها ادم: انا عارف انك ما  
بتحبين الرياضه دي بس ده مش معناه ان انا  
كمان ما احبهاش دي متعه كبيره جدا ليا وبعدين انا  
لسه مقررتش ان كنت هسترك ولا لأ سكتت راندا  
باقي الطريق ومتكلمتش ثاني لحد ما واصلوا.قابلهم  
خوليو بترحاب شديد وعرفت راندا اد ايه هو قريب  
من ادم وراحو الاوضه اللي مخصصه ليهم علشان  
يغيروا هدومهم وينزلوا. ادم راح للرجال وهيا فضلت

مع البنات وكان تحدي لها انها تتكلم انجليزي طول الوقت وكانت مبسوطه ومندمجه علي الاخر مع الاصحاب اللي اتعرفت عليهم لحد ما جي اخر النهار اتفاجئت راندا بعرييه بتقف ونازل منها سالي ومعها عمر . واول ما سالي نزلت دورت بعنيها علي ادم لحد ما شافته وراحت تسلم عليه .وعمر سابها وراح ناحيه راندا لانها الوحيدة اللي من بلده وبيرتاح لما يتكلم معاها عمر: انا مبسوط اني شوفتك ثاني راندا: شكرا..... انت هتشتري في السباق بكره؟ عمر: الشجعان بس اللي بيشتريكو راندا: او المجانين عمر: شكلك ما بتحبيش الرياضة دي . دي الرياضة الاساسيه هنا راندا: باختصار لأ مابحيهاش نهائي..(غيرت الموضوع لما افكرت كلام ادم انها تحتفظ برأيها لنفسها) راندا: انت تعرف سالي من زمان؟؟ عمر: من كام اسبوع وحست راندا بكأبه في عين عمر لما شاف سالي لسه واقفه جنب ادم وبتكلم معاه عمر: الظاهر انها وجوزك اصحاب من زمان؟ راندا: فعلا هما اصحاب وسكتت ومرضيتش تضيف اي كلام ثاني وبعد كده اتهربت منه راندا:

الساعة بقت ٨ لازم اجهز واغير هدومي للعشا  
بصراحه انا مش قادره اتعود علي مواعيد السهر هنا  
احنا بنروح ننام في الوقت اللي هما بيستعدوا فيه  
للعشا عمر: هو انتي لسه مش معتبره هنا بلدك؟  
مش المفروض ان الزوجه تقبل وطن جوزها وطن  
ليها؟ راندا: المفروض بس ده بياخد وقت.. بعد اذنك  
جهزت نفسها للعشا ولبست فستان ازرق رقيق  
ضيق علي الصدر وبحمالات رفيعه قوي وصندل  
بكعب عالي ولبست عقد واسوره من الماس  
والياقوت الازرق اللي كانوا هديه من ادم وفرلها  
كل حاجه ماديه ممكن تحلم بيها اي ست ومع ذلك  
مقدرش يعوضها علي اللي كان ناقصها ..ولا اي  
شيء ممكن يعوضها دخل ادم وهيا بتحاول تلبس  
العقد فجأه ووقف وراها وقفله ليها وخلي اديه علي  
رقبتها وقالها لما حس برعشه تحت ايديه ادم:  
شكلك متوتره. ما تقلقيش انا مش ناوي اعمل اي  
حاجه دلوقتي راندا: انا مش في بالي اي حاجه  
وبعدين اكيد مش هتقطع فستان دفعت فيه  
المبلغ العالي ده ادم: انا ميهمنيش ثمنه راندا: طب



شکله لان انا جبت لكل ليله فستان واحد واكيد انت  
مش عايزني احضر بنفس الفستان مرتين؟؟؟  
مسكت اديه اکتافها جامد وضغط عليهم لدرجه  
حست انه هيكسر عظامها وقالها ادم: لو انتي  
قصدك تضايقيني فأنتي بدأت تنجحي .. عايزه ايه  
مني دلوقتي؟؟ راندا: اللي عايزاه متقدرش تنفذه..  
اللهم الا اذا سبتني امشي ادم: بيننا عقد ما  
تنسيش.. (سابها وزقها بعيد عنه) استنيني ننزل مع  
بعض وراح علشان يغير هدومه هو كمان كان  
العشا وليمه كبيره قعدت جنب عمر وواحد تاني  
مفتكرتش اسمه وادم كان قاعد جنب سالي  
ومعرفتش هو ده كان صدفه ولا مقصوده انهم  
يقعدوا جنب بعض فاقت من افكارها عل صوت  
عمر عمر: كان عمي عايزني اتجوز بنته علشان يربط  
العيلتين ببعض وكان ممكن اوافق لو مشفتش  
سالي بعد ما شافتها حسيت اني مش ممكن ارتبط  
بحد غيرها راندا: طب انت دلوقتي مش عايش مع  
عيلتك؟ عمر: كان لازم ابعد شويه لاني مش هقدر  
ارتبط بحد غير سالي راندا بفرحه: انت ناوي

تتجوزها؟ عمر: انا فعلا عرضت عليها الجواز بس هيا  
لسه مارديتش عليا...والمشكلة اني مش هقدر اخر  
رجوعي لبلدي اكثر من كده راندا: هيا ممكن تكون  
عايزه تفضل هنا وما تروحش مصر. انت هتقدر  
تعيش معاها هنا؟؟ عمر: مصر هيا بلدي .. انا هناك  
ليا عيلتي واسمي وشغلي لكن هنا انا مش اي  
حاجه ولو سالي مدعتنيش اجي معاها مكنتش نلت  
الشرف اني اكون موجود دلوقتي حسست بقرب منه  
وهو بيتكلم وحسست انه زيتها مش مندمج في الجو  
اللي حولهم راندا: انت ممكن تعالج الموضوع  
بطريقه ثانيه . حاول متفقدش الامل بسرعه جه  
نص الليل وحسست انها عايزه تنام فانسحبت من  
غير ما حد ياخذ باله وخرجت الجنينه وقعدت شويه  
وحسست انها عمرها ما هتعرف تندمج مع الناس دي  
. الناس دي مختلفه تماما عنها حسست بالباب  
بيتفتح وحد بيخرج وجي ناحيتها يا تري مين اللي  
خرج وراها وعائز ايه سالي هتتنازل بسهولة عن ادم  
ولا هتحارب علشانه ومين اللي هيفوز في الحرب  
البارده دي؟ يتبعع.....□

———— Part Break ————

الجزء الـ ١٢ ❖ نعم انا احبه❖❤ تعبت راندا من  
السهر وخرجت الجنينه تحاول تفوق نفسها شويه  
ولقت حد جاي ناحيتها ولقته عمر عمر: شفتك  
وانتي خارجه ولقيتها فكره ممتازه ان الواحد يهرب  
من الجو الخنقه جوه بس لازم نستحمل الناموس  
راندا: محسيتش بناموس ..بس حتي الناموس ارحم  
من الخنقه اللي جوا..(سكتت شويه وحست انها  
غلطت في كلامها) راندا: انا اسفه ماقصدتش ..كل  
الحكايه اني حسيت اني مخنوقه من ريحه السجاير  
والحر عمر: ماتتأسفيش ده كان نفس احساسى..  
يضايقك بقي لو انا ولعت سجاره هنا؟ راندا: لأ خد  
راحتك وبعدين الدخان هيبعد الناموس فضلوا  
سلكتين شويه وبعد كده اتجرأ وسألها عمر: انتي

ازاي اتجوزت واحد بارد كده زي ادم؟..(ضحكت راندا  
غصبا عنها) راندا: مش ملاحظ ان ده سؤال جري  
بالنسبه لواحد له متعرفهاش؟ عمر: ممكن.. بس  
يهمني اعرف الاجابه..حاسس ان الحب مفقود  
بينكم؟؟ راندا: دي زي ما بيسموه صيده حلوه مش  
ده كفايه؟ عمر: عند ناس كتيره بس حاسس ان انتي  
مش منهم انتي من النوع اللي بيهتم بالحب راندا:  
انت ما تعرفنيش.. ازاي تحكم عليا بقي؟ عمر:  
عندك حق.. يعني انا مثلا حاسس اني مش ممكن  
اتجوز واحد غير سالي وانا معرفش عنها حاجه. كل  
اللي بتمناه اني افهمها في يوم من الايام راندا: هيا ما  
رفضتكش وده شئ كويس عمر: بس مش كفايه  
خافت راندا لان لوسالي قارنت بين عمر وادم فادم  
هيكسب طبعا ولو هيا فكرت شويه كان ممكن  
توافق انها تخلف لادم بس اكيد هيا ما تخيلتش انه  
يتجوز غيرها بسرعه غرورها خدعها . ياتري لو قالت  
لادم انها مستعده تخلفه ولي العهد. ادم هيعمل ايه  
عند الافكار دي حسرت راندا انها مخنوقه ونفسها  
تعيط سالي احلي منها بمراحل ومن نفس بلد ادم

ونفس الوسط وعارفه كل عاداتهم وتقاليدهم مش  
زيها حتي السهر مش قادره عليه واستأذنت عمر  
راندا: انا لازم ادخل دلوقتي .بعد اذنك عمر: لسه  
بدري لسه السهره في اولها راندا: بس انا لازم ادخل  
دلوقتي وربنا يقدرني علي السهر انا مبسوطه اني  
اتكلمت معاك كان نفسي اساعدك عمر: مجرد  
سمعك ليا كان مساعده كبيره مفيش حد غيرك  
هنا ممكن اتكلم معاه بحريه زيك كان نفسها ما  
تسمعوش لانه لو هو مانجش انه ياخذ سالي  
ممكن هيا تخسر ادم سابتة ودخلت وحست فاجأه  
بادم واقف جنبها وقالها ادم: تعالي نطلع اوضتنا  
تعالي نستأذن ونطلع وفعلا استأذنوا وطلعوا  
لاوضتهم وهما طالعين محاولش ادم يلمسها  
وحست انه متوتر جدا وجسمه مشدود وحست ان  
في نار محبوسه جواه عايظه تنفجر وسألت نفسها  
ياتري سالي قالتله ايه خلته في الحاله دي؟ والناراللي  
جواه سببها ايه واول ما دخلو راندا: بعد اذنك ممكن  
ادخل الحمام انا الاول ده لو مكانش يضايقك؟ لان  
انا تعبانه جدا ادم: استني .الاول قوليلي فضلت انتي

وعمر بره اد ايه لوحدكم؟ اندهشت من السؤال  
والطريقه الحاده اللي قال بيها السؤال وبعد كده  
ردت بتحد راندا: لو انت مراقبنا كنت عرفت  
لوحذك؟؟ ادم: ما كنتش مراقبك بس شوفتك  
داخله وبعدها بشويه دخل عمر ومش انا الوحيد  
اللي اخدت بالي راندا: واكيد طبعا مش انت الوحيد  
اللي ادي الموضوع اكبر من حجمه.. علي العموم  
احنا اتكلمنا مش اكثر ادم: كان ممكن تتكلموا من  
غير ما تخرجوا بره مع بعض راندا: مخرجناش مع  
بعض انا خرجت الاول ادم: عايزه تقنعيني انه خرج  
صدفه واتقابل معاكي بره راندا: مش بالطبط هو  
شافني خارجه .. (وسكتت شويه وهي مصدومه من  
اتهامه) راندا: انا معروفش ومفيش حاجه بيننا احنا  
اتكلمنا مش اكثر ادم: كان واضح امبارح انه منجذب  
ليكي وكل مره ببصلكم بلاقيكم بتبتسموا لبعض  
وده حصل النهارده برضه راندا: ده مش صح ادم:  
انتي عايزه تشكيكيني في اللي شفته بعنيه؟ راندا:  
انا مش عايزاك تبالغ في اللي بتشوفه ..وبعدين انت  
مهتم بمين يا ادم.. بنفسك ولا بسالي؟ تجاهل ادم

السؤال ادم: عايزك متقعديش معاه تاني طول ما  
احنا هنا راندا: انا مسعتش اني اقعد معاه ومش  
ناويه اراقب كل خطوه بخطيها لاحسن يتكلم معايا  
وبعدين كان لازم سالي تهتم بيه شويه طول ما هيا  
عزماه هنا ادم: مالكيش دعوه باللي تعمله سالي  
واللي متعملوش فاهمه؟ واعملي اللي اقولك عليه  
وبس راندا: لأ يا ادم انا انسانه وعندي مشاعري ومن  
حقي اقول لأ للي مايعجبنيش ادم اتنرفز جدا وبدأ  
يفقد سيطرته علي اعصابه ادم: كزوجه مالكيش  
حقوق غير اللي انا اسمح بيها. امتي هتعرفي ده؟  
راندا: لما تتجمد النار (ماحسيتش راندا بنفسها لما  
انفجرت في ادم) راندا: انت ممكن تكون فرضت عليا  
الجواز ده بس مش هتقدر تخليني اقبل غرورك ده  
فاهم؟ ادم: انا مستخدمتش معاكي القوه قبل كده  
وده كان غلطي كان لازم اعرفك مين هو السيد هنا  
خافت راندا منه بس بعد ايه هيا خلاص حضرت  
المارد وظهر ياتري ادم هيعمل ايه في راندا  
وهيستخدم القوه ولا لأ وراندا هتتعامل معاه ازاي  
وايه اللي هيحصل بينهم؟ يتبع....□





———— Part Break ————

الجزء ال ١٢ ♡ نعم انا احبه ♡ تعبت راندا من  
السهر وخرجت الجنينه تحاول تفوق نفسها شويه  
ولقت حد جاي ناحيتها ولقته عمر عمر: شفتك  
وانتي خارجه ولقيتها فكره ممتازه ان الواحد يهرب  
من الجو الخنقه جوه بس لازم نستحمل الناموس  
راندا: محسيتش بناموس ..بس حتي الناموس ارحم  
من الخنقه اللي جوا..(سكتت شويه وحست انها  
غلطت في كلامها) راندا: انا اسفه ما قصدتش ..كل  
الحكايه اني حسيت اني مخنوقه من ريحه السجاير  
والحر عمر: ماتتأسفيش ده كان نفس احساسى..  
يضايقك بقي لو انا ولعت سجاره هنا؟ راندا: لأ خد  
راحتك وبعدين الدخان هيبعد الناموس فضلوا

سلكتين شويه وبعد كده اتجراً وسألها عمر: انتي  
ازاي اتجوزت واحد بارد كده زي ادم؟..(ضحكت راندا  
غصبا عنها) راندا: مش ملاحظ ان ده سؤال جريئ  
بالنسبه لواحد لسه متعرفهاش؟ عمر: ممكن.. بس  
يهمني اعرف الاجابه..حاسس ان الحب مفقود  
بينكم؟؟ راندا: دي زي ما يبسموه صيده حلوه مش  
ده كفايه؟ عمر: عند ناس كثيره بس حاسس ان انتي  
مش منهم انتي من النوع اللي بيهتم بالحب راندا:  
انت ما تعرفنيش.. ازاي تحكم عليا بقي؟ عمر:  
عندك حق.. يعني انا مثلا حاسس اني مش ممكن  
اتجوز واحد غير سالي وانا معرفش عنها حاجه. كل  
اللي بتمناه اني افهمها في يوم من الايام راندا: هيا ما  
رفضتكش وده شئ كويس عمر: بس مش كفايه  
خافت راندا لان لوسالي قارنت بين عمر وادم فادم  
هيكسب طبعا ولو هيا فكرت شويه كان ممكن  
توافق انها تخلف لادم بس اكيد هيا ما تخيلتش انه  
يتجوز غيرها بسرعه غرورها خدعها . ياتري لو قالت  
لادم انها مستعده تخلفه ولي العهد . ادم هيعمل ايه  
عند الافكار دي حسرت راندا انها مخنوقه ونفسها

تعيط سالي احلي منها بمراحل ومن نفس بلد ادم  
ونفس الوسط وعارفه كل عادتهم وتقاليدهم مش  
زيها حتي السهر مش قادره عليه واستأذنت عمر  
راندا: انا لازم ادخل دلوقتي .بعد اذنك عمر: لسه  
بدري لسه السهره في اولها راندا: بس انا لازم ادخل  
دلوقتي وربنا يقدرني علي السهر انا مبسوطه اني  
اتكلمت معاك كان نفسي اساعدك عمر: مجرد  
سمعك ليا كان مساعده كبيره مفيش حد غيرك  
هنا ممكن اتكلم معاه بحريه زيڪ كان نفسها ما  
تسمعوش لانه لو هو مانجش انه ياخذ سالي  
ممكن هيا تخسر ادم سابتة ودخلت وحست فاجأه  
بادم واقف جمبها وقالها ادم: تعالي نطلع اوضتنا  
تعالي نستأذن ونطلع وفعلا استأذنوا وطلعوا  
لاوضتهم وهما طالعين محاولش ادم يلمسها  
وحست انه متوتر جدا وجسمه مشدود وحست ان  
في نار محبوسه جواه عايظه تنفجر وسألت نفسها  
ياتري سالي قالتله ايه خلته في الحاله دي؟ والناراللي  
جواه سببها ايه واول ما دخلو راندا: بعد اذنك ممكن  
ادخل الحمام انا الاول ده لو مكانش يضايقك؟ لان

انا تعبانه جدا ادم: استني .الاول قوليلي فضلت انتي  
وعمر بره اد ايه لوحدكم؟ اندهشت من السؤال  
والطريقه الحاده اللي قال بيها السؤال وبعد كده  
ردت بتحد راندا: لو انت مراقبنا كنت عرفت  
لوحذك؟؟ ادم: ما كنتش مراقبك بس شوفتك  
داخله وبعدها بشويه دخل عمر ومش انا الوحيد  
اللي اخدت بالي راندا: واكيد طبعا مش انت الوحيد  
اللي ادي الموضوع اكبر من حجمه.. علي العموم  
احنا اتكلمنا مش اكثر ادم: كان ممكن تتكلموا من  
غير ما تخرجوا بره مع بعض راندا: مخرجناش مع  
بعض انا خرجت الاول ادم: عايزه تقنعيني انه خرج  
صدفه واتقابل معاكي بره راندا: مش بالظبط هو  
شافني خارجه .. (وسكتت شويه وهي مصدومه من  
اتهامه) راندا: انا معروفش ومفيش حاجه بيننا احنا  
اتكلمنا مش اكثر ادم: كان واضح امبارح انه منجذب  
ليكي وكل مره ببصلكم بلاقيكم بتبتسموا لبعض  
وده حصل النهارده برضه راندا: ده مش صح ادم:  
انت عايزه تشكيني في اللي شفته بعنيه؟ راندا:  
انا مش عايزاك تبالغ في اللي بتشوفه ..وبعدين انت

مهتم بمين يا ادم.. بنفسك ولا بسالي؟ تجاهل ادم  
السؤال ادم: عايزك متقعديش معاه تاني طول ما  
احنا هنا راندا: انا مسعتش اني اقعد معاه ومش  
ناويه اراقب كل خطوه بخطيها لاحسن يتكلم معايا  
وبعدين كان لازم سالي تهتم بيه شويه طول ما هيا  
عزماه هنا ادم: مالكيش دعوه باللي تعمله سالي  
واللي متعملوش فاهمه؟ واعملي اللي اقولك عليه  
وبس راندا: لأ يا ادم انا انسانه وعندي مشاعري ومن  
حقي اقول لأ للي مايعجبنيش ادم اتنرفز جدا وبدأ  
يفقد سيطرته علي اعصابه ادم: كزوجه مالكيش  
حقوق غير اللي انا اسمح بيها. امتي هتعرفي ده؟  
راندا: لما تتجمد النار (ماحسيتش راندا بنفسها لما  
انفجرت في ادم) راندا: انت ممكن تكون فرضت عليا  
الجواز ده بس مش هتقدر تخليني اقبل غرورك ده  
فاهم؟ ادم: انا مستخدمتش معاكي القوه قبل كده  
وده كان غلطي كان لازم اعرفك مين هو السيد هنا  
خافت راندا منه بس بعد ايه هيا خلاص حضرت  
المارد وظهر ياتري ادم هيعمل ايه في راندا

وهيستخدم القوه ولا لأ وراندا هتتعامل معاه ازاي  
وايه اللي هيحصل بينهم؟ يتبع.....

———— Part Break ————

الجزء ال ١٤ نعم انا احبه ♥ سمعت راندا  
مكالمه سالي وادم وسمعت سالي بتقول لادم سالي:  
احنا اتخلقنا لبعض يا ادم وانت عارف كده كويس  
هيا عمرها ما هتكون زوجه مناسبه ليك..  
ومستنتش راندا علشان تسمع رد ادم . انها تشك في  
مشاعر ادم حاجه وانها تسمعه حاجه ثانيه خالص  
فضلت قاعده في اوضتها وشويه ودخل ادم عليها

ادم: انت نمتي؟ شكلك تعبان راندا: انا حلمت  
بالبيت.. بيتي انا مش بيتك ادم: ده بيتك دلوقتي  
.التاني انسيه راندا: انا مقدرش اتحكم في افكاري ولا  
حتي مشاعري ..انا بحتقرك يا ادم لانك عديم  
الشرف حسنت بتصلب عضلاته وغضبه بيزيد وضم  
ايديه كأنه هيضربها .بس اتحكم في اعصابه بصعوبه  
جامده وجاوبها برقه ادم: يمكن انا فعلا استاهل ده  
علشان كده مش هحاسبك سابها ودخل الحمام وما  
ادهاش فرصه ترد لانها كانت عايزه تواجه بالحوار  
اللي سمعته شويه ومشيو علشان يروحوا بيتهم  
وفرحت راندا انها ماشيه لانها هتتحرر من الضغط  
العصبي واستغربت انها ماشفتش سالي قبل ما  
تمشي يا تري راحت فين اكيد ادم ودعها لوحدها  
علشان يكون براحته معاها؟؟؟؟؟؟؟؟؟؟وفضلو  
ساكتين في العربيه لحد مافجأه ادم شاف شباب  
جوه مزرعه فارشين وقاعدين فأخذ فرامل ونزل  
جري عليهم واستغربت راندا من تصرفه ادم: انتو  
شفتوا ايه اللي تحت الشجر قبل ما تنطوا السور  
وتقعدوا في المزرعه واحد من الشباب: اه انت

قصّدتك علي الثور اللي نايم تحت الشجره لا سيبك  
منه وبعدين احنا مش بنضايقه ادم: هو ممكن مش  
واخذ باله منكم لحد دلوقتي لكن لو اتحركتو  
هيختلف الوضع فنصيحه اهربوا وسيبوا حاجتكم  
قبل ما يهجم عليكم واحده من الشباب: لا اكيد انت  
بتخوفنا بس احنا بقالنا نص ساعه وهو متحركش  
من مكانه واحده ثانيه: بس هو عنده حق لازم نمشي  
ونشوف مكان امان ادم: اهربوا قبل ما يهاجمكم  
البنت: شكله عجوز ومش بيتحرك قامت البنت  
وقفت ومسكت مفرش وبدأت تحركها في وش الثور  
زي بتوع مصارعه الثيران خرجت راندا من العربيه  
وبتتفرج علي اللي بيحصل وفجأه شافت الثور  
بيتحرك ناحيه البنت بسرعه كبيره جدا وقرونه كانت  
بتلمع وبتهدد اللي هيقف في طريقها وفي نفس  
اللحظه شافت ادم بينط من علي السور وشد  
المفرش من ايد البنت وصرخ فيهم اجرّوا بسرعه  
راقبت راندا ادم وهو بيحاول يشد انتباه الثور بعيد  
عن الشباب لحد ما يهربوا وسألت نفسها ازاي  
هيخرج سليم من عنده ؟ هنا مفيش حواجز الامان



اللي في الحلبة كان حجم الثور ضعف الثور اللي  
صارعه ادم في الحلبة حبست راندا نفسها وهيا  
بتشوف راس الثور هتخبط ادم في صدره بس ادم  
تفادها علي اخر لحظه ورمي المفرش علي وش  
الثور ونط من علي السور بان الخوف علي الشباب  
الاربعة الشباب: احنا متشكرين جدا احنا متخيلناش  
انه في خطر علينا البنت باعجاب: كنت هایل هو انت  
مصارع؟ تجاهل ادم السؤال ادم: لما تتعامل مع  
حيوان متفترضش البنت: طب حا جتنا هنجبها  
ازاي؟ الشاب: لو عايزه تروحي تجيبها مش همنعك  
الحمد لله ان احنا خرجنا اصلا سابهم ادم وراح ناحيه  
عربيته وراندا مصدومه مقدرتش تنطق ودخلت  
العربييه بهدوء واخيرا نطقت راندا: اكيد صاحب  
المزرعه لما يشوف حاجات الشباب دي هيتربع  
ادم: بس هيتربع اكثر لو كان شاف جمبهم اربع  
جثث وهيفرح ان اصحاب الحاجات دي هربوا لانها  
مش اول مره حد من السياح يغلط في اختيار المكان  
اللي يقعد فيه راندا: في اراضي كتيره من غير سور  
يقعدوا في اي مكان منها ادم: في عقلیات بتحـب

التحدي .بس اكيد بعد كده هيفكروا الف مره قبل  
ما يختاروا المكان وسكت بعد كده وفضلت راندا  
كل شويه تبصله وحست بعضلات فكه متوتره زي  
ما يكون متألم ياتري هو لحق يشتاق لسالي  
بالسرعه دي ( فكرت راندا) راندا: كنت شجاع جدا .  
الثور ده اشرس بكتير من بتاع امبارح صح؟ ادم: ده  
لانه اكبر سنا وعلشان كده اسرع فكان لازم اتصرف  
بسرعه لانه مكنش في وقت للخوف راندا: بس انت  
متعرفش يعني ايه خوف ادم: لاني بحب امتحن  
نفسي بحاجات ما تفهميهاش.. انت فضلت انك  
تشوفي الموضوع ده استعراض امبارح..صح؟ راندا:  
لو يهملك تعرف ايوه انا شايفاه استعراض .كان  
ممکن تموت ادم: وهتكسبي ايه لو انا مت؟ ده اللي  
كان قالقك؟ راندا: لا لا ما يهمنيش ابدا اني اكون  
ارمله. انا مش عايزه اي حاجه منك ادم: موقف مش  
عقلاني بس متوقع منك . كبرياؤك مش في محله يا  
حبيتي "حبيبتي" اول مره يقولها ادم بس اكيد مش  
قصده معني الكلمه راندا: كبريائي ( ووقفت فجأه  
لما شافت علامات الالم علي وشه ثاني وسأله راندا:

ادم انت اتصبت؟ ادم: ده ولا حاجه مجرد خدش  
بصتله كويس ولقت قميصه مقطوع والدم بدأ  
يظهر(كان صدره من ناحيه الباب علشان كده  
ملاحظتهاش من الاول) راندا: ده اكثر من خدش ليه  
مقلتليش؟ ادم: لما نوصل هتصل بالدكتور يجي  
يشوفه راندا: بالطريقه اللي بتنزف بيها مينفعش  
نستني لحد ما نوصل خلعت راندا جاكته بدلتها  
وضغطت بيها علي صدره وقالتله راندا: اقرب بلد  
هنقف فيها ونشوف دكتور ادم: انت مكبره الموضوع  
راندا: ماشي سيبيني ادخل مره واحده واسمع كلامي  
نطمن عند الكتور ونمشي ادم: ماشي طالما انتي  
مصممه راندا: سيبيني اسوق انا وانت اضغط علي  
الجرح كويس اتألم ادم لما حاول يتحرك وصدره  
نزف اكثر مع كل حركه راندا ما قالتش لادم انها  
يدوب تعرف تسوق لانها اخدت الرخصه قبل ما  
تسافر بكام يوم بدلو اماكنهم واتشبع جاكيتيه راندا  
بالدم كلها فتحت راندا شنطتها وخرجت روب بتاعها  
كانت بتلبسه فوق المايوه لما تنزل حمام السباحه  
واديتيه لادم بدل الجاكته ادم: اسف علي الجاكته

بتاعتك رانداك هخليك تشتريلي غيرها متقلقش  
(قالتها بضحك علشان تخفف عنه) قعدت راندا  
علشان تسوق وبتدعي ربها انها تعرف تتعامل مع  
عربيته لانها كانت احدث موديل غير اللي اتدربت  
عليه كانت اول كيلو مشيتها من اسوأ ما يكون  
وشويه وبدأت تسوق عدل شويه كانت اول بلد علي  
بعد حوالي نصف ساعه بصت لادم لفته سند راسه  
علي الكرسي ومغمض عنيه ووشه كله عرق  
وفضلت تدعي ارجوك اوعي تموت ارجوك واخيرا  
وصلوا البلد وفضلت تدور علي اي عياده لانه كان  
يوم احد وعندهم اجازه فالبلد كانت هاديه اخيرا لقوا  
دكتور ونزلوا عنده . كان قميص ادم كله غرقان دم  
وحتي الروب اللي هيا ادتهوله نام ادم علي السرير  
وبدأ الدكتور يفحصه واستغربت راندا من تحمل ادم  
لانه كان طول الجرح اكثر من ٦ سنتيمتر وكان  
بينزف مع كل نفس ادم بياخده يا تري ايه اللي  
هيحصل بعد كده ادم هيموت ولا هيكمل مع راندا؟  
يتبع.....□

———— Part Break ————

الجزء ال ١٥ نعم انا احبة❤️ اتصاب ادم في صدره لما واجه الثور واخذته راندا علي اقرب دكتور وهيا بتدعي انه ما يموتش ولاحظت كبر حجم الجرح بتاعه ووقفت بعيد في اخر اوضه الكشف بص الدكتور عليها وطلب منها تقرب الدكتور: اضغطي هنا بايدك لحد ما اجيب الادوات اللازمه وش ادم كان شاحب تماما بس لسه قادر يتكلم اول ما حس برعشه ايديها قال ادم: ما تخافيش مني لاني مش هقدر اعمل اي حاجه هنا راندا: اسكت دلوقتي مش وقته اللي انت بتقوله رجع الدكتور شايل حاجه زي صينييه عليها ادوات كتير وشال ايد راندا وبدأ يعالج الجرح وهيا وقفت بعيد الدكتور: انت كنت فين لما كنت بتصارع الثور ده؟ راندا: وعرفت منين انه جرح من ثور؟ ابتسم الدكتور: لاني شفت جروح كتيره زي

دي. جوزك محظوظ لانه خرج بحياته ادم: انا مش  
محترف ده كان حادثه سكت وغمض عنيه كأن  
الكلام بيتعبه وساب راندا تشرح للدكتور عن الحادثه  
الدكتور: كان لازم تسيبهم يواجهوا نتيجته تصرفاتهم  
الطايشه واخيرا عمل اخر غرزه وقال الدكتور: ده كل  
اللي اقدر اعمله بس لازم نحتاط علشان الجرح  
ميفتحش ثاني حاول ادم يقوم بس مقردش الدكتور:  
انت نزفت كتير ولازملك نقل دم راندا: وتقدر تنقله  
دم هنا(سألت راندا) الدكتور: عندي الجهاز بس  
معنديش الدم نفسه (وسأل ادم) الدكتور: انت  
تعرف فصيله دمك ايه؟ رد ادم وهو بيقاوم علشان  
ميغماش عليه ادم: A سلمي الدكتور: دي فئه نادره  
ممکن متلاقيهاش هنا . انت لازم تتحول  
للمستشفى الرئيسي راندا مكانتش قادره تتكلم ولا  
تتحرك بس اخيرا نطقت راندا: انا كمان A سلمي  
بص الدكتور وادم لبعض والدكتور اتكلم الدكتور:  
انت متأكده؟ راندا: ايووم متأكده( مكنتش مصدقه  
الصدفه دي وافتكرت اول يوم اتعشوا مع بعض لما  
ادم قالها تتطابق نادر) راندا: عملت تحاليل قريب

جدا اثبتت ان دمي سليم تماما .ايه رأيك تنقله الدم  
علي طول؟ الدكتور: معنديش مشكله كانت نظرات  
ادم متركزه علي راندا بس كانت غامضه ادم: انت  
مش مضطره تعملي كده راندا: ده ضروري وقعدت  
علي كرسي جنبه وبدأت تراقب الدم اللي خارج منها  
وداخل لادم وحست باحساس غير عادي حست كأن  
جزء منها بيتسحب ويروح لادم انا مديونلك  
بكتير يا راندا ولولا انك اصريتني ان احنا نيجي هنا  
مكنتش عارف ايه ممكن يحصل اخر شئ كانت  
راندا عايزاه كان العرفان بالجميل بس الظاهر انه هو  
ده بس اللي هتطوله منه راندا: اللي عملته كنت  
هعمله لاي حد لحسن الحظ ان فصيله دمننا واحده)  
قالتها بصوت خالي من اي مشاعر) ادم: دكتور  
الخاص قالي انها نسبه واحد في المليون ان فصائل  
دمننا تتطابق راندا: كنت عارف انها متطابقه؟ ادم:  
اكيد. متنسيش انه اداني نتايج التحاليل اللي عملها  
طلب الدكتور منهم بعد كده انهم يباتوا في العياده  
بس ادم رفض ادم: انا بفضل انام في سريري بس لو  
اذنتلي ممكن تليفون علشان موبيلي فصل شحن

علشان ارتب لسفرنا راندا: انا ممكن اسوق لحد ما  
نوصل ادم: هو انتي بتسمي دي سواقه راندا: انا  
وصلتك لهنا صح؟ ادم: ده كان لحسن حظنا مش  
لشطارتك.. هتصل باكرم يجي ياخدنا سكتت راندا  
لانها عارفاه لما بيصمم علي حاجه بينفذها وقبل ما  
يمشوا نصح الدكتور ادم انه لازم يتابع مع دكتور  
الخاص ويهتم بالجرح علشان مايفتحش تاني  
ورفض ادم مساعده اي حد من خدمه علشان  
يدخلوه العربيه ما اتكلمش ادم في الطريق الا نادرا  
بس كانت راندا حاسه بالمه وخصوصا لما العربيه  
تاخذ مطب وصلوا بيتهم اخر الليل اتنازل ادم عن  
كبرياؤه لانه مقدرش يطلع السلم واول ما ساعده  
وطلع السلم صرفهم بسرعه وراح ناحيه اوضته  
وراندا ماشيه وراه بخوف واستعداد راندا: هو مين  
اللي قالي من شويه ان كبريائي مش في محله؟؟ انت  
تعرفه طبعا كان قصدها عليه لانه رافض المساعده  
وهو محتاجها ادم: انا مش مريض وهتبتلك ده خلال  
يومين او ثلاثه راندا: وده ايه الكرم ده كله يومين  
بحالهم مش كتير دول .. بس يا تري رأي دكتورك



الخاص ايه؟ ادم: هو مستشاري مش موجهي انا  
عارف حالتني اكرتر منه راندا: عندك حق طبعا . انت  
عارف كل حاجه غيرت راندا اسلوبها لانها عارفه انها  
كده بتخليه يعند وبس راندا: علي الاقل ارتاح  
دلوقتي وانا هخليهم يجيبولنا العشا هنا لو ليك  
نفس تاكل ادم: ايه الاهتمام ده كله...اه نسيت ده  
اللي هتعمله مع اي حد ثاني ..علي العموم ايوه انا  
عايز اكل علشان استرد صحتي بسرعه طلبت راندا  
العشا واكتشفت انها جعانه جدا وخلصوا عشا  
ودخل ادم الحمام وخرج بعد نص ساعه مجهد جدا  
ما اتكلميتش راندا نهائي بس جابتله المسكن  
وحطته جنبه وسابته ودخلت هيا كمان الحمام ولما  
خرجت لفته نام فضلت واقفه جنبه تتأمله ومدت  
ايديها وحطتها علي شعره من غير تفكير وحركت  
ايديها علي وشه مكانتش عارفه تحدد مشاعرها  
ناحيه ادم ايه لحد اللحظة دي اكتشفت انها مش  
بس بتحبه دي بتعشقه لحد الجنون ثاني يوم نزل  
ادم للفطار وقال انه هيروح المصنع راندا: أكرم  
هيروح معاك ويسوق هو ادم: انا كويس واعرف

اسوق بنفسى سكتت ومعرفتش تقول ايه راندا:  
طب هترجع على الغدا ادم: لأ ما اعتقدش عندي  
شغل كتير وما تنسيش بقالي كام يوم غايب سابها  
وقام . كانت عايزه تقوله يخلي باله من نفسه بس  
سكتت على اخر لحظه كان النهار طويل وممل  
ومعرفتش تعمل ايه فيه وفرحت جدا لما اتصلت  
بيها امل تتطمئن عى صحه ادم راندا: هو راح المصنع  
تصدقي؟ امل: غبي بس انتي لازم تخليه يتابع مع  
الدكتور بتاعه علشان الجرح راندا: ومن امتي هو  
بيسمع كلامي؟(حست امل بحزن فى صوت راندا)  
امل: انت كويسه يا راندا راندا: انا كويسه متضايقه  
شويه من الحر امل: كلها شهر بالكثير ويتعدل الجو  
شهر بحاله هيا مش عارفه ايه اللي ممكن يحصل  
بعد يوم ما بالك بشهر حست راندا بفراغ بعد ما  
امل قفلت معاها وفجأه قررت انها تخرج لبست  
واخذت عربيه من الجراج بعدما قالت لأكرم اكرم:  
بشمهندس ادم ما قاليش اى حاجه عن الموضوع  
ده راندا: وهو ادم هيعترض انى اركب عربيته هات  
المفاتيح حالا وفعلا خرجت راندا وفضلت تتفرج

علي البلد وركنت العربيه في منطقه تجاريه ونزلت  
تتفرج علي المحلات وقابلت عمر صدفه بيتمشي  
هو كمان راندا: عمر ازيك . امال فين سالي عمر:  
وراها حاجات ثانيه وادم فين راندا: في الشغل عمر:  
تسمحيلي اعزمك علي مشروب واتكلم معاك  
شويه ارجوك محتاج اتكلم مع حد راندا كانت  
متردده بس حسست بيه ووافقت ودخلو مطعم  
صغير وعمر من غير مقدمات عمر: انا مش عارف  
اعمل ايه عرضت عليها الجواز ثلاث مرات لحد  
دلوقتي . وهيا ما ادتنيش رد راندا: انا اسفه بس انا  
مش عارفه اساعدك ازاي عمر: انتي ست واكيد  
هتفهمي هيا قصدها ايه او اتصرف ازاي فكرت راندا  
اه لو عرف قصدها "قصدها تاخد جوزي مني عرفت  
قصدها" بس ده مينفعش تقوله راندا: انا وسالي  
مختلفين وما اقدرش اقولك هيا بتفكر في  
ايه. حددلها مثلا موعد نهائي ترد في عمر: انا عملت  
كده راندا: ممكن مكنتش حازم في كلامك حدد تاريخ  
معين والتزم بيه عمر: ممكن ترفض بحجه اني مش  
بديها وقت كفايه تفكر راندا: وممكن توافق لانها

مش هتخاطر تضيعك منها..سكتت شويه  
وكملت..عيلتك رأيها ايه؟ عمر: عيلتي ايه دخلها  
وبعدين لسه مفيش حاجه اقولها مش لما اعرف  
رأيها الاول قعدت شويه وبعد كده استأذنته علشان  
تمشي عمر كان محتاج حد يفضفض معاه مش  
اكثر وفضلت تمشي شويه وبعد كده قررت تروح  
وهيا ماشيه خطر في بالها تعدي من جنب المصنع  
من غير ما تشوف ادم وهيا في الطريق سرحانه لقت  
فجأه قدامها عربيه فضغطت علي الفرامل بسرعه  
وحست بالعربيه بتدور بيها وسمعت العربيه الثانيه  
بتخبط فيها وسمعت صوت زجاج بيتكسر ودي  
كانت اخر حاجه سمعتها يتبع.....□

———— Part Break ————

الجزء ال ١٦ ❏ نعم انا احبة❏❤ حست ريناد  
بالعربيه بتدور بيها وغابت عن الوعي للحظات ولما  
فاقت لقت اللي كان سايق العربيه وراها بيخبطلها  
علي زجاج العربيه وييشتم في الستات اللي  
بيسوقوا فتحت شباكها وحاولت تعتذر ليه بس ما  
ادهاش فرصه تتكلم وقال للناس اللي اتلمت  
حواليهم يطلبوا البوليس للسائحه المعتوهه وفي  
دقيقه كان البوليس وصل وسمع اللي حصل وكل  
اللي حواليها شهدوا انها غلطانه واخذوها علي قسم  
البوليس ولما شافوا رخصتها ما اعترفوش بيها لانها

المفروض يكون معاها رخصه دوليه او تتطلع  
رخصه في البلد اللي فيها وطلبوا منها لو تعرف حد  
يجي يضمناها علشان يخرجوها ولما عرفوا انها زوجة  
ادم اتغيرت معاملتها تماما وقالولها انهم هيبلغوه  
فورا وجابلوها قهوه وهيا بتشرب دخل عليها ادم  
وكان علي اخره وسألها ادم: جراك اي حاجه انتي  
كويسه؟ راندا: انا كويسه (ترددت شويه وكملت)  
اسفه علي العربيه هز كتفه ومفهمتش ده معناه  
مايهموش اعتذارها ولا ميهموش العربيه ادم: يالا  
علشان اروحك البيت قعدت جنبه في عربيته  
وسكتت تماما وشويه ومقدرتش تتحمل الصمت  
راندا: اتمني ما اكونش عطلتك عن حاجه مهمه؟  
ادم: مفيش مشاكل هتحصل حتي لما بسيبهم  
يتصرفوا براحتهم راندا: وطبعا انا اللي بعملك  
مشاكل.. انا معترفه ان الحادته غلطتي بس اي حد  
ممكن يعمل حادته وخصوصا وهو جديد في السواقه  
ادم: بس ده محصلش لاي حد ده حصل ليكي انتي  
وبعدين مكانش المفروض تخدي العربيه اصلا راندا:  
مكنتش عارفه اني المفروض استأذن لما استخدم

حاجتك. وبعدين انت ما اعترضتش لما سقت بيك  
امبارح ادم: امبارح مكنش عندي اختيار ولو كنت  
عارف انك ما بتعرفيش تسوقي للدرجه دي ماكنتش  
وافقت تسوقي راندا: وكنت فضلت تنزف لحد ما  
تموت ادم: انتي النهارده اللي كنتي هتموتي راندا:  
وطبعاً كنت هتزعل لانك هتضطر تدور من جديد  
علي واحد مرشح للخلفه ادم: انت فاكهه انه هو ده  
كل همي؟ راندا: مش ده صح؟ وبعدين كانت  
هتكون فرصه ترجع فيها لسالي سكت وهومش قادر  
يرد عليها ولا عارف يقولها ايه لانه كان عايز يخنقها  
بايده فغير الموضوع ادم: انت ما قولتيليش خرجت  
ليه اصلاً؟ راندا: اتسوق ادم: ومش شايف معاكي  
حاجه ليه؟ راندا: مفيش حاجه عجبتي وخلص  
الحوار علي كده ووصلوا بيتهم واتغدوا ومقدرتش  
تاكل من التعب حتي ادم كان باين عليه الاجهاد  
وخافت تسأله اذا كان تعباً ولا لأً واول ما خلص  
دخل مكتبه وهيا طلعت تقعد علي حمام السباحه  
وغمضت عنيه شويه وحست بضل فوقها فتحت  
عنيها لقت ادم واقف والشر بينط من عنيه ادم: انت

كدبت عليا انت نزلت البلد علشان تقابلي عمر راندا:  
مين اللي قالك؟(ودي كانت اجابه غلط) الموضوع  
مش كده ادم: ايه اللي بتحاولي تنكريه بالظبط؟ راندا:  
ان اللقاء كان مدبر انا شوفته صدفه ادم: الناس  
شافوكي بتتغدي معاه راندا: لا انا شوفته صدفه  
وعزمني علي قهوه بس ادم: قهوه؟وليه؟ راندا:  
مجامله مش اكثر وبعدين انا معملتش حاجه غلط  
قعدنا شويه واتكلمنا ادم: واتكلمتوا في ايه بقي؟  
راندا: حاجات متهمكش ادم: انا اللي اقرر ايه اللي  
يهمني وايه لأ راندا: لأ مش انت اللي تقرر. واللي  
قالهولي انت مالكيش دعوه بيه وطلي ادم  
عليهاوشدها ووقفها علي رجليها ادم: انتي هتقولي  
دلوقتي ايه اللي بينك وبينه؟ كان غضبه يخوف بس  
هيا ما خافتش منه لانها معدتش تفرق معاها راندا:  
مفيش حاجه بيننا هو مجرد صديق وبس ادم:  
صديق؟ وانتي متخيله اني هصدق الكلام ده انكم  
اصدقاء وبس راندا: وانا ميهمنيش تصدق ولا لأ انا  
زهقت من تصرفاتك وزهقت منك ومش قادره  
اتحملك ادم: ده لسوء حظك غصب عنك



هتتحمليني وضمها ليه بقسوه حاولت انها تتحرر  
منه ومعرفتش فقاتله راندا: الخدم عدت لحظه وهو  
مش منتبه وبعد كده سيطر علي مشاعره ادم:  
عندك حق مش هنا تعالي جوه شدها من ايديها  
واخدها وكانت هتقع فشدها ادم جامد من غير اي  
اعتبار للام اللي بيسببها لاحتظت راندا انه مش  
قادر يمشي بس مش هيسمح لجرحه يقف قدامه  
راندا: ارجوك يا ادم. ده مش هيجل الموضوع ما  
تخلينيش اكرهك اكرهك اكتر مما انا بكرهك بالفعل ادم:  
ده مش هيغير حاجه انتي هنا علشان تؤدي غرض  
معين ولا نسيتي؟ وهو بيجرها ودخلوا اتفاجئوا  
الاتنين بامل واقفه مع اكرم وشكلها لسه داخله  
وقف ادم وساب ايد راندا ادم: خير يا امل في حاجه  
حصلت لمحمود هو كويس؟ امل: لا محمود كويس  
انا كنت قلقانه عليك انت فجيت اطمئن عليك ادم:  
انا كويس زي ما انتي شايفه ومتشكر علي  
اهتمامك .. انا لازم ارجع المصنع دلوقتي امل  
اعتبري نفسك في بيتك . اكيد هتباتي معانا النهارده  
صح؟ امل: ده اللي ناويه عليه . اشوفك بالليل يا

ادم ادم: بالليل سلام ومشي ادم وفضلت راندا وامل  
ساكتين مش عارفين يتكلموا لحد ما راندا قطعت  
الصمت راندا: هغير هدومي في دقيقه ونشرب  
الشاي مع بعض اتفقنا امل : اتفقنا هستناكي في  
التراس طلعت راندا غيرت هدومها ونزلت لصاحبته  
امل: ايه اللي حصل ليكي انتي وادم انا عمري ما  
شوفته في الحاله ده؟ معدش في مجال للكذب  
وعلشان كده حكت راندا كل حاجه لامل امل: انا  
كنت عارفه خطته الاساسيه . بس افكرناه غير رأييه  
وخصوصا لما اتجوزك ازاي ادم يعمل كده؟ راندا:  
علشان اكون عادله انا مقدرتش اقاومه بما فيه  
الكفايه هو راجل مفيش زيه امل : بس انتي مش  
بتحبيه؟ قفلت راندا قلبها علشان ما تنطقش باللي  
جواها هما ولاتهم الاول لادم راندا: لا امل: ادم مش  
زي اي حد بس انا وهو ومحمود اصحاب من صغرنا  
هكلم محمود واخليه يكلمه ونعرف اخرته ايه؟ راندا:  
هو ليه مبرر لغضب النهارده . هو فاكربي علي علاقته  
بحد تاني امل: وهو ده صح؟ راندا: لا طبعاً بس هو  
مش مستعد يصدق. امل لو سمحت ما تقوليش

حاجه لمحمود سيبينا انا وادم نحاول نتصرف لوحدا  
امل: لو دي رغبتك ماشي .انا ومحمود كنا فرحانين  
بيكم جدا وفرحنا ان ادم اخيرا ارتبط راندا: مكانش  
المفروض اني اقولك حاجه امل : وتسيبيني محتاره  
وانا بسأل نفسي ايه اللي وصلكم للحاله اللي  
شوفتكم بيها لما جيت انا نفسي اساعدكم باي  
طريقه بس انتي عندك حق لازم انتو الاتنين تحلو  
مشاكلكم لوحدكم ومش هعرف ادم ان انا عارفه  
حاجه وعدي الوقت وبالليل جه ادم وشافته راندا  
تعبان جدا بس بيكابروا وتعشوا مع بعض مع جو  
من التوتر مسيطر علي الكل ادم كان بيتكلم معاهم  
بس مش مركز في اي شئ بيقوله وكان باين انه  
جرحه بآلمه امل : انت عرضت نفسك علي الكتور  
هنا ادم: لما اجي افك الغرز هبقي اروحله وغير كده  
لأ ومحدث اتجرأ يسأله تاني او يكلمه راندا: امل ما  
تقضي معانا بكره هو محمود هيمانع؟ امل بصت  
لادم وهيا بترد امل: لأ محمود مش هيمانع ادم: انت  
مرحب بيكي هنا في اي وقت ده بيتك وانت عارفه  
ده كويس خلصت السهره ودخلوا للنوم وراندا دخلت

ووراها ادم وحست بنظراته مع انها مدياله ظهرها

ادم: راندا بصيلي يتبع... Wattpad - © 2025

———— Part Break ————

الجزء. ال ١٧ نعم انا احبه ♥ خلصت السهره

ودخلوا للنوم. راندا دخلت ووراها ادم وحست

بنظراته مع انها مدياله ظهرها ادم: راندا بصيلي راندا:

ليه؟؟ انت قلت كل اللي ممكن يتقال انا هنا

لغرض واحد مش كده؟ ادم: ده كان صح في وقت

من الاوقات بس دلوقتي لأ شويه صمت وبعد كده

ادم اتكلم برقه ادم: انا عايز نبدأ من جديد بصتله

وسألته راندا: نبدأ ايه بالضبط؟ ادم: كل حاجه. انا

عارف اني ما عملتش حاجه تخليكي تثقي فيا بس

انا محتاجلك قوي يا حبيبتني مخدمش راندا بالها ان

ادم قال حبيبتني رندا:الثقه دي لازم تكون متبادل

من كام ساعه كنت بتتهمني اني علي علاقه براجل  
تاني ادم: كنت هموت من الغيره مجرد تفكيدي انك  
قاعده مع راجل تاني جننيني. راندا انا صحيح ربت  
لجوازنا علشان اصلح الغلط اللي ارتكبته في حقك  
بس ده جزء من السبب الاساسي لجوازي منك  
انا عمري ما لقيت واحده احبها بعمق لدرجه اني  
فقدت الامل اني الاقيها قعدت راندا علي السرير  
وافكارها مشوشه راندا: بس انت كنت عايز تتجوز  
سالي ادم: اكتشفت فجأه اني لو عايز اخلف واشوف  
ابني وهو بيكبر يبقي لازم اتجوز دلوقتي وكانت  
سالي انسب اختيار متاح ولما قالتلي انها مش عايزه  
تخلف تراجع في عرضي راندا: بس هيا قالتلي انها  
هيا اللي رفضتك وانت اكدت كلامها ادم: كنت  
مديونلها بده علي الاقل . حفظ لكرامتها مش اكثر  
راندا: وايه اللي خلاك تفكر بتأجير بديله؟ ادم:  
هتصدقيني لو قلتلك انها اختك هيا اللي قالتلي  
علي الفكره دي . هيا كانت شايفه نفسها مرشح  
هايله ووافقت علي طول وبعد كده انسحبت وانتي  
جيتي ... والحب مكنش في بالي نهائي رندا حس

بدفئ بينتشر جواها راندا: وليه ماقلتليش الكلام ده  
قبل كده؟ ادم: كبرياء مع شويه غباء مع حبه عند.  
ما كنتش عارف سكوتي بيكلفني اد ايه لحد النهاره  
لما سيبتك بعد الظهر سكت وقرب منها ومسك  
وشها باديه ادم: انا عارف اني ممكن اخليكي تتجاوبي  
معايا جسماني بس انا عايز اكثر من كده ..عايزك  
تنسي كل اللي فات وتسامحيني وممكن كمان  
تحاولي تحبيني ممكن؟ راندا: تغير الافكار بياخذ  
وقت يا ادم .بس انت بجد بتقول انك بتحبني؟ ادم:  
وهو ده صعب تصدقيه؟ راندا: ايوه طبعا صعب  
وبعدين انا حاسه انك ما تعرفش يعني ايه حب؟  
ادم: فعلا. اونتي كمان متعرفيش يبقي تتعلم مع  
بعض..... راندا انتي فعلا بتكرهيني للحد ده؟ هزت  
راندا راسها راندا: انا مش عارفه انا حاسه بايه ومش  
عارفه احساسني ناحيتك اسميه ايه بالظبط؟ ادم:  
طب خليني اساعدك قرب منها وولمس شفايفها  
بشفافيه بارق طريقه ممكنه وهيا تجاوبت معاه من  
قلبها وحست بالحرمان لما بعد عنها وحست بيه  
بيحاول يسيطر علي صوته ادم: اسف ده مش

هيساعد ده هيخليط الامور اكر انا عايزك تاخدي  
قرارك من غير ضغط مني الليله هسيبك تنامي  
لوحدك وتفكري براحتك وانا هعيش علي الامل  
ابتسملها وسابها ومشى وهيا كانت عايزه حبه بس  
لازم تتأكد لانها جنبه مبتعرفش تفكر هو عايز اكر  
من التجاوب الجسماني وهيا مش عارفه هتقدر  
تديله اكر ولا لأ مقدرتش تنام وحاولت تعرف يعني  
ايه حب وفجأه عرفت الاجابه الثقه .ادم تجاهل  
كبدياؤه وصارحها بحبه مش ده كفايه؟ صحيت راندا  
الصبح وعرفت ان ادم راح شغله وقامت من  
سريرها واول ما قامت حست بدوخه وجريت  
بسرعه علي الحمام يا تري ممكن؟ لا مش معني  
انها داخت مره او رجعت انها حامل واتوترت ممكن  
يكون جواها ابن لادم نزلت واتقابلت مع صحبتها  
امل وفطروا مع بعض واكلت بسيط جدا راندا: نمت  
كويس امبارح؟ امل : لأ اخدت طول الليل افكر  
فيكم راندا: ما تقلقيش علينا احنا هنبقي كويسين  
حست راندا بالثقه وهيا بتتكلم ادم بيحبها عايزه ايه  
تاني امل : اتصالحتم؟ ادم محتاجلك يا راندا

محتجالك فوق ما تتخيلي. المهم اتصلت بمحمود  
وقولتله هقضي اليوم معاكي هنعمل ايه بقي؟  
راندا: تعالي ننزل البلد. بس بعربيتك انا معنديش  
رخصه امل : ادم لازم يتصرف في الموضوع ده حسنت  
راندا انها مبسوطه جدا لما تخرج هتشتري اختبار  
للحمل وتتاكد وبالليل هيا وادم هيكونوا مع بعض  
بس المره دي هتكون مختلفه لانها ليله حب خرجوا  
واتمشوا واستأذنتها امل علشان تسلم علي واحده  
صاحبته فاستغلت راندا الفرصه وراحت تشتري  
الاختبار اشترته وحطته في شنطتها وراحت مع امل  
علي محل كانت امل طالبه حاجات هتستلمها  
ودخلوا واستأذنت راندا انها تدخل الحمام ودخلت  
وخرجت وهيا الفرحة مش سايعاها عايزه الليل يجي  
بسرعه علشان تبلغ ادم وبعد كده مشيوا وقرروا  
يشربوا عصير لان الجو كان حر ودخلوا فعلا كازينو  
وهما داخلين اتفاجئت راندا بادم قاعد ومعه سالي  
وشافته متوتر وهو بيسمع سالي وهيا بتتكلم كل  
كلامه امبارح مالوش قيمه طالما لسه بيقابلها مش  
هتقبل ابدا انها تتقاسمه مع واحده تانيه راندا: امل



انا عايزه امشي لو سمحت حالا وخرجت بره وورها  
امل وبعد ما مشيوا امل: انا شفتهم بس اكيد في  
حاجه مهمه اسمعيه الاول قبل ما تحكمي عليه  
راندا: اشك في ده. اذا كان مش قادر علي فراقها  
يبقي خليها تاخده امل: وانتي هتعملي ايه؟ راندا:  
اللي كان لازم اعمله من زمان انا راجعه بلدي كفايه  
كده ..لازم اجيب جوازي واخذ شنطتي الاول امل: لا  
طبعا اديله فرصه يشرحك الاول راندا: يشرحلي ايه  
هو بيقابلها في السر عايزه ايه تاني؟ امل: مش سر ده  
قاعد في مكان عام كل الناس شايفاهم راندا: وده  
يثبت انه مش هامه اي حد .مش هسمحله يخدعني  
تاني انا ماشيه ومش هتقدري تمنعيني امل :  
وهتمشي ازاي؟ راندا: هروح للمدينه ومن هناك  
هاخذ طياره .....مممكن يا امل توصيليني لمطار؟ امل:  
لا طبعا مش هوصلك راندا: خلاص هاخذ اي عربيه  
من الجراج واسيبها في المطار ومن هناك هسافر  
وصلو البيت ودخلت راندا مكتب ادم وبدأت تدور  
علي جوازاها ولقت درج مقفول فكسرتة ولقت  
جوازاها والعقد اللي وقعت عليه فقطعته ميت حتة

اد ايه كانت غيبه لما وثقت فيه بس كفايه كده امل:  
بتعملي ايه؟ راندا: بقفل الصفحه دي نهائي. امل انا  
اسفه بس مش هقدر افضل اكر من كده امل: ولو  
انتي حامل فكري في الموضوع ده؟ راندا: هتصرف  
امل: وانتي متخيله ان ادم هيوافق راندا: بمجرد ما  
ارجع مصر مش هيقدر يعمل حاجه.. ولو فكري  
تتصلي بيه تحذريه مش هتعرفي لانه قاعد مع  
الهانم اخدت شنطتها وحضرتها وما اخدتش اي شئ  
اشتره ادم ليها سابت كل حاجه اداهلها ادم ماعدا  
حاجه واحده مش هينفع تسبها لانه ملكها  
واحدها ومش هيعرف ادم ابدًا بيها نزلت راندا لقت  
امل واقفه امل: انا اسفه بس انا قلت لأكرم يقفل  
الجراج وميديكيش اي عريه راندا: مش مهم هطلب  
تاكسي وفعلًا طلبت بالتليفون تاكسي وقالوها ١٠  
دقايق والتاكسي يجي وقعدت تستناه يا تري  
هتلحق تمشي؟ ادم هيسمح لها تمشي ولا مش  
هيلحقها؟؟؟ يتبع..... □

———— Part Break ————

الجزء ال ١٨ والاخيرہ ] نعم انا احبه ] ♥ قررت  
راندا انها تمشي وطلبت تاكسي وفشلت كل  
محاولات امل انها تقنعها تستني ادم امل: اقعدي  
طيب لحد ما التاكسي يجي هتفضلي واقفه  
مستنيه؟ راندا: هقعده بره علشان اول ما التاكسي  
يجي اشوفه وفعلا خرجت بره وعينها علي البوابه  
وحطت شنطتها بين رجليها وسمعت صوت  
التليفون بس ما اهتمتش شويه وجت امل عندها  
وكلمتها بصوت مخنوق امل: راندا التليفون كان من  
المصنع ادم تعب جدا ونقلوه المستشفى راندا: دي  
كدبه علشان تخلينا اقعد صح؟ امل: دي الحقيقه  
انا مش هكذب عليك في حاجه زي دي..بيقولي انه  
عنده تسمم دموي وممكن يكون اتأخروا جدا رندا:  
انتي بتقولي ايه ادم مش ممكن يموت انتي  
اتجننتي لا التسمم مش بيموت بس هيا تعرف ايه

عن التسمم؟ السؤال دلوقتي هيا هيهما لو هو مات؟ كانت الاجابه واضحه جدا ايوه يههما.وايه غير الاهتمام خلاها ترفض ان حد يشاركها فيه؟ ادم لازم يعرف علي الاقل انها حامل في ابنه راندا: انتي عارفه مكان المستشفى؟ امل: ايوه وهوصلك خلال ربع ساعه وأكرم هيتصرف مع التاكسي لما يجي يالا بينا وصلو المستشفى وهيا مش عارفه تفكر غير انه لازم يعرف لازم واول ما وصلوا عرفت انه في العناية المركزه ومش هينفع تدخل عنده وهيا طالعه عنده..ده يدوب يومين ما لحقش الجرح يتلوث في يومين .ادم كان غلطان بس اكيد كام جرعه من المضاد الحيوي هتخليه يخف .لازم يخف .كانت بتحاول تتطمئن نفسها وصلت فوق

والممرضه قالتلها ان الدكاتره عنده وانها تستني لحد ما يطلعوا لو عاش مش هتخليه ابدأ يحتاج لاي واحده تانيه الحياه من غيره فارغه تماما واخيرا طلع الدكتور الخاص بتاع ادم وراح لراندا الدكتور: هو اتصاب بصدمه نتيجة تلوث الجرح وحالته مستقره بس لسه معداش مرحله الخطر ممكن تدخله عنده

بس مش اڪتر من خمس دقائق هو لسه مش  
واعي قوي فمتقلقيش لو متعرفش عليكي كانت  
مستعده انه تشوفه بس اول ما دخلت ولقته نايم  
علي السرير وفي اجهزه كتير واصله بيه اللي بيقيس  
نبضاته واللي بيغذيه واللي بيقيس ضغطه انهارت.  
سابتها الممرضه وخرجت مدت راندا اديها تلمس  
وشه واول ما لمستته فتح عنيه وابتسم ابتسامه  
اختفت بسرعه ادم: كان لازم اسمع كلامك يا  
حببتي كبريائي كلفني كتير ابتسم ادم وكمل كلامه  
ادم: بدأت احس اني احسن لما جيتي ممكن  
تخليكي جنبي؟ راندا: اكيد مفيش قوه علي الارض  
هتقدر تاخديني منك ابتسم وغمض عنيه ودخلت  
الممرضه علشان تخرجها واول ما خرجت امل  
سألته امل: عامل ايه دلوقتي طمنيني راندا: هيبقي  
كويس لازم يبغي كويس واتفحت في عياط مستمر  
عياط كانت حبساه من زمان بكت بحرقه وبعد ما  
هديت امل: ادم مش لازم يعرف بالي حصل مفيش  
اي حد لازم يعرف وانا هخلي اكرم ما يتكلمش  
راندا: الموضوع مش هيعدي بالسهيوله دي بس

هيتأجل سكتت امل لانها جربت نشفان دماغها  
وحست انها زي ادم لما يعند امل : هما حجزولك  
اوضه خاصه علشان تفضلي جنبه استريحي شويه  
سابتها امل ورجعتها بعد شويه امل: انا اتصلت  
بمحمود واقنعتة بالعافيه ما يجيش انا هروح  
وهبعثلك هدوم ليكي ولادم وهاطمن كل شويه  
بالتليفون عليه سابتها ومشيت وهيا فضلت تفكر  
اد ايه المستشفى غاليه يا تري ابنها هيتولد هنا  
مين قالها انه ولد.هيا مش هامهها ولد ولا بنت بس  
ادم عايز ولد فضلت مستنيه لحد ما جت الممرضه  
وقالتلها ان ادم عايزها فجريت عليه كان لسه  
متوصل بالاجهزه بس كان فايق علي الاقل ادم:  
قالولي انك في اوضه هنا جنبي. احسن انا عايزك  
جنبي علي طول راندا: انت حاسس بايه دلوقتي؟  
ادم: تعبان بس بتحسن شويه شويه..المهم انتي  
عرفت ازاي ان انا هنا؟ راندا: اتصلو بيا من  
المصنع...يبقي انت كنت رجعت المصنع لما  
تعبت؟ ادم: رجعت؟ قالت لنفسها مش وقته راندا:  
ما تاخدش في بالك دي مجرد زله لسان ادم: لا ما

اعتقدش. انتي كنتي في البلد انتي وامل؟ راندا: ايوه  
بس ده مش مهم دلوقتي ادم: وشوفتيني مع سالي  
صح؟ راندا: ايوه ادم: وفهمتي ايه؟ راندا: وايه اللي  
مممكن افهمه؟ ادم: نفس السؤال اللي سألته  
لنفسي لما عرفت انك اتقابلتي مع عمر وانتي  
قولتي ان الموضوع مش كده وهدافع عن نفسي  
بنفس دفاعك بس اتمني انك تثقي فيا اكرت مما انا  
وثقت فيكي راندا بصتله لفترة طويله راندا: قصدك  
انك قابلتها صدفة مش ميعاد مترتب؟ ادم: لأ  
بميعاد بس لاسباب مختلفه كانت عايزه تتكلم بس  
ادم شاور انها تستني تسمعه الاول وبدأ يرتب افكاره  
ادم: سالي طلبت تشوفني بحجه انها عايزه تتكلم في  
موضوع مهم وانا قابلتها لاني كنت عايز افهمها انها  
مش هتستفاد اي شئ من التدخل بيننا(ومسك  
ايدها وضغط عليها) واقولها كمان اني عمري ما  
هقدر اسيبك تمشي وتبعدي عني لحظه لاني مش  
بس بحبك انا حياتي من غيرك مالهاش معني كأني  
اول مره اعيش راندا: حتي لو ما اقدرتش اديلك  
الشيء الوحيد اللي كنت عايزه؟ ادم: لو ربنا ما

ارادش وخلفنا هنتبني عيل ونربيه انا وانتي مع  
بعض بس ما تبعديش عني ابدًا مش عايز اي حاجه  
تانيه اكر من كده انتي وبس كلامه ما سابش اي  
مجال للشك جواها ..اخيرا امتلكت كل شيء نفسيها  
فيه عرفت من نظراته انه شاف الحب في غنيها ادم:  
قولوها يا راندا نفسي اسمعك بتقولوها قوليلي  
بحبك قولوها ارجوكي راندا: بحبك ..ما سمحتش  
لنفسي اني اكتشف اني بحبك غير لما حسيت انك  
ممکن تروح مني ادم انا.... مخلص ادم تكمل  
وشدها عليه وبدأ يبوس فيها بطريقه حرکت کل  
مشاعرها همست راندا: المفروض ما نعملش كده  
ممکن يضرك ادم: ده افضل دوا في الكون كله اتكلم  
ادم برقه ومسح اي اثر للبرود اللي كانت متعوداه  
منه اتكلم برقه ما حلمتش ابدًا انها تشوفها فيه ادم:  
انت غيرتي حياتي لدرجة اني بقيت ولا حاجه من  
غيرك خانها التعبير ومعرفتش تتكلم فغيرت  
الموضوع راندا: ما قولتليش سالي كانت عايزه ايه  
منك؟ (اتغيرت تعابير وشه وسألها) ادم: انتي لسه  
بتشكي فيا؟ راندا: لا ابدًا بس فضول ابتسم تاني ادم:



كانت عايزه تسألني عن رأيي في عمر كزوج ليها راندا:  
وانت جاوبتها بايه؟ ادم: كنت بدأت اتعب فقولتلها  
اني ميهمنيش تتجوز مين المهم انها تبعد عني انا  
ميهمنيش غير جوازي انا وحببتي انا. لان قدامي  
كتير قوي علشان اعوضها عنه ...انا وانتي وبس  
راندا: لأ مش انا وانتي وبس في حد تاني هيشاركنا  
ادم(لس مفمهمش):لأ محدش هيشاركنا اناوانتي  
وبس هاخدك ونسافر نقضي احلي شهر عسل في  
الدنيا ...ولو عايزه تنزلي مصر هنزل معاكي اهو علي  
الاقل اشوف بلدي اللي معرفهاش راندا: مش هننزل  
وحدنا في حد تاني هيشاركنا ادم: لأ...حطت راندا  
ايدها علي بقه علشان ميتكلمش راندا: افهم بقي  
انت الجرح اثر علي دماغك ولا ايه؟ حد انتي عايزه  
فهمت ولا.. اخيرا فهم ادم هيا قصدها ايه(قصدها  
انها حامل طبعا) ومعرفش يتكلم لان اللي جواه كان  
اكثر من انه يعبر عنه بالكلام فاخدها في حضنه وهيا  
بتدعي (يا رب يكون كلام العرافه كله صح)

النها|||||||ية□□□

